

四庫全書

子部

欽定四庫全書

御定淵鑑類函卷四百二十五

鳥部八

鳩難 鷄附

山難 吐附

竹難 綬附

錦難 英附

秧難 火附

鳩一

原方言曰鳩自關而東周鄭之郊韓魏之都謂之郎畢
其大者謂之鳩鳩 增格物總論曰按左傳五鳩曰祝
鳩氏司徒也曰睢鳩氏司馬也曰鴈鳩氏司空也曰鵠

鳩氏司寇也曰鵲鳩氏司事也五鳩鳩民者也 埤雅

曰睢鳩摯而有別故為司馬主法制鴈鳩平均故為司

空平水土鵠鳩孝故為司徒主教民籍虞槐賦春棲教

農之鳥即鵠是也 本草釋名曰鳩也鵠也其聲也斑

也錦也其色也佳者尾短之名也古者庖人以尸祝登

尊俎謂之祝鳩此皆鳩之大而有斑者其小而無斑者

曰佳音雞曰鵠音蔡曰荆鳩曰楚鳩也鳩之子曰鵠鳩曰役

鳩曰糠鳩曰郎臯曰辟臯 本草集解曰斑鳩有有斑

者有無斑者有灰色者有大者有小者 鳩小而灰色

及大而斑如梨花點者並不善鳴惟項下斑如真珠者

聲大能鳴可以作媒引鳩鳩性慤孝而拙於為巢纔架

數莖往往墮卵天將雨即逐其雌霽則呼而反之故曰

鷦巧而危鳩拙而安或云雄呼晴雌呼雨 斑鳩是處

有之春分化為黃褐侯秋分化為斑雛黃褐侯青雛也

黃褐侯狀如鳩而綠褐色聲如小兒吹竽 又鳩有

白鳩綠鳩今夏月出一種糠鳩微帶紅色小而成羣所

謂黃褐侯秋化斑雛恐即此也好食桑甚及半夏苗

鶻鳩似山雀而小短尾青黑色多聲又名鷓鴣又名鶻

鶻喜朝鳴又名鶻朝一云即鶻鶻也陸璣直以為斑鶻

非也斑鶻項有繡文斑然與此全異此外又有鶻音鳩

鶻音鳩又有鶻鶻亦鶻類 埤雅曰鶻鶻性食桑甚然

過則醉而傷其性故詩云于嗟鶻兮無食桑甚 原毛

詩宛彼鳴鶻 增又鶻鶻在桑其子七兮鶻鶻一名桔

鶻一名搏黍一名布穀一名獲穀又名撥穀又名郭公

又名鵲鳩又名鵲又名桑鳩又名鵲姑曹子建責躬表
曰七子均養者鵲鳩之仁也 月令季春之月鳴鳩拂

其羽戴勝降於桑

北杜飛鳴以翼相拂鄭康成注曰鵲鳩飛其翼相擊超農事也

法

言曰鳴鳩自關而東謂之戴勝張華曰勝即首上飾也

頭上毛起故曰戴勝一名戴鵲

音士

似山鵲而尾短長嘴

青色尾冠俱有文采如戴花故呼戴鵲 爾雅曰鳴鳩

即布穀張華曰農事方起此鳥飛鳴於桑間若云五穀

可布種也故曰布穀楊雄傳注布穀一名買銳

音韋

蓋聞

其聲則農買銳插以布穀也又其聲曰家家撒穀因其聲之相似也周書時訓曰鳴鳩不拂其羽國不治其

兵本草釋名曰布穀名多皆各因其聲之似而呼之

如俗呼阿公阿婆割麥插禾脫却布袴之類皆因其鳴時可為農候故耳或云鴈鳩即月令鳴鳩也鳴乃鴈字之訛禽經及方言並謂鳴鳩即戴勝郭璞云非也

詳鴈鳩

本草集解曰布穀似鷦長尾牝牡飛鳴以翼相拂擊又案毛詩義疏云鴈鳩大如鳩而帶黃色啼鳴相呼

而不相集不能為巢多居樹穴及空鵲巢中二月穀雨
後始鳴夏至後乃至 埤雅曰鴈鳩不自為巢居鵲之
成巢有均一之德蓋其哺子朝自上而下暮自下而上
者均也其子在梅在棘在榛而已則常在乎桑者一也
又曰鴈鳩性一而慈祝鳩性一而孝 又曰雛與鴈
鳩皆壹鳥也故有尸祝之號 又曰鶉鳩灰色無繡項
陰則屏逐其匹晴則呼之語曰天將雨鳩逐婦是也

禽經云鳩生三子一為鶚 原禮記曰仲春之月鷹

化為鳩然後設罽羅 列子曰鷦之為鷽鷽為布穀布

穀久復為鷽 增爽鳩鷹也一歲曰黃鷹二歲曰鷽鷹

次亦也三歲曰鷽鷹頂有毛角微起通謂之角鷹鷹為

鳩屬者應陽而變則啄柔仁而不驚故禮月令鷹化為

鳩夏小正鷹者其殺之時也鳩者非其殺之時也 詩

睢鳩注曰睢鳩水鳥一名王睢狀類鳬鷺今江淮間亦

有之生有定耦而不相亂偶常並游而不相狎故毛傳

以為摯而有別列女傳以為人未嘗見其乘居而匹處

者蓋其性然也 原續漢禮儀志曰仲秋之月縣道皆
案戶比民年始七十者授之以玉杖舖之糜粥八十九
十禮有加賜玉杖長九尺端以鳩為飾鳩者不噎之鳥
也欲老人不噎所以愛民也 增酉陽雜俎曰朱提以
南無鳩鵲 又曰鵲楚鳩所生 原說苑曰梟逢鳩鳩
曰子將安之梟曰我將東徙鳩曰子改鳴則可不能改
鳴東徙猶惡子之聲也

鳩二

原琴操曰舜耕於歷山思慕父母見鳩與母俱飛鳴相
哺食益以感思乃作歌 瑞應圖曰白鳩成湯時來王

者養耆老尊道德不以新失舊則至一本曰成王時來
列子曰邯鄲之人以正月之旦獻鳩於簡子簡子大
悅厚賞之客問其故簡子曰元旦放生示有恩也客曰
人知公放必競捕獻之捕益多不如勿賞 風俗通曰
俗說高祖與項羽戰敗於京索遁叢薄中羽追求之時
鳩正鳴其上追者以鳥在無人遂得脫及即位異此鳥

故作鳩杖以賜老者按少皞五鳩鳩者聚衆民也周禮
羅氏獻鳩養老漢無羅氏故作鳩杖以扶老 古今注
曰平帝元始三年濟南鳩生白子 會稽典錄曰皮延
字叔然會稽山陰人養母至孝居喪有白鳩巢廬側遂
以終喪 又曰鄭弘遷臨淮太守郡人徐憲在喪致哀
白鳩巢戶側弘舉為孝廉朝廷稱為白鳩郎 增後漢
書曰楊由從人飲勅諸生酒三行嚴車去請其故由曰
向社中水上有鳩鳥鬪兵之象由去後舍人有鬪者果

殺二人也 原吳錄曰赤烏十二年八月白鳩見章安

廣州先賢傳曰頓琦蒼梧人至孝母喪琦獨身立墳

歷年乃成居喪踰制感物通靈白鳩栖息廬側見人輒

去見琦而留 搜神記曰京兆長安有張氏獨處室有

鳩自外入止於牀張氏祝曰鳩來為我禍也飛上承塵

為我福邪來入我懷鳩飛入懷以手探之則不知鳩之

所在而得一金帶鉤是後子孫過盛有為必偶貲財萬

倍蜀客賈至長安中聞之乃厚賂婢婢竊鉤以與蜀客

張氏既失鈞漸漸衰耗而蜀客亦數罹窮厄不為已利
或告之曰天命也不可以力求於是賁鈞以反張氏張
氏復昌故關西稱張氏傳鈞云 又曰沛國戴文謚居
陽城山有神降焉其妻疑是妖魅神已知之便去遂化
作一五色鳥白鳩數十隻後有雲覆之遂不見 增晉
書曰太始八年白鳩二集太廟南門左九嬪白鳩賦序
鳩巢於廟闕而孕白鳩一雙毛色甚鮮金行之應也
南史曰姚察在服制之中有白鳩巢於戶上 隋書曰

李得饒性至孝及居喪有鳩巢其廬 張九齡居母喪

白鳩巢廬側 北夢瑣言曰王庭湊武陵支屬也生於

別墅嘗有鳩數十隻朝集庭樹暮集簷下人異之後為

三軍扶立為留後代田弘正歸別墅而庭樹婆娑暗比

舍矣

鳩三

原居鵲巢

食桑甚

詩維鵲有巢維鳩居之謂君積行累功以致爵位夫人起家而居有

之其德如鵲鳩乃可配焉箋如鵲鳩居鵲已成之巢故比興也 又于嗟鳩兮無食桑甚

養老

紀官

上詳鳩二風俗通左傳少皞氏以鳥紀官鴈鳩氏為司空平水土

集井上巢

廬側

地里志滎陽有尼井沛公避項羽有雙鳩集井上故漢世正旦放鳩下詳鳩二會稽典錄

集白水

獻邯鄲

景毅為白水令有異政鳩集其廳下詳鳩二列子

拂羽

均食

上見鳩二月令下見鳩二曹植責躬表

入無忌之案化張氏之

鈎

上詳鷗二列士傳下詳鳩二搜神記

軒軒

斑斑

增入

御座

集

鳳池

晉永康元年正月大會有鳩入御座武帳中拂司空張華之冠朝野僉載唐王及善才行庸張風

神鈍濁為內史時人號為鳩集鳳池

巢舟

出籠

梁書庾子與父城為巴州守卒於郡子與

奉喪還鄉初發蜀有雙鳩巢舟中及至又栖廬側每聞哭泣聲必飛翔簷上悲鳴激切傳咸序余舍傍種楸

成林閒居聽斑鳩聲音可悅於是捕而畜之既而馴擾偶出之籠無何失之其後時時一來飛翔也

朱

目丹趾

霜衣雪襟

上見鳩五曹植魏德論謳下見鳩四李白白鳩辭

鳩四

原在桑

詩刺不一也在位無君子用心之不一也鳩鳩在桑其子七兮箋鳩鳩食其子旦從上而下暮

從下而上均平如一

在棘

鳩鳩在桑其子在棘

邕邕

增首政

李白白鳩辭白

鳩之白誰與鄰霜衣雪襟誠可珍含哺七子能平均食不噎性安馴首農政鳴陽春天子刻玉杖鏤形賜者人

入雲

許慎曰鳩鳩奮迅其羽直刺上飛數千丈入雲中

助生氣

周禮羅氏羅春鳥獻

鳩以養國老鄭康成注仲春鷹化為鳩變舊為新宜以養老助生氣也

隨風雨

許表明詩作禽

莫作鴈鵠婦一
生離別隨風雨

催春種

杜甫詩布穀處處催春種

青春深

杜甫詩鳴

鵠乳燕
青春深

錦翼花

歐陽修詩斑然錦翼花簇簇

肉寄生

清吳錄章貢小蒙川

蘇氏山林多鵠賓客滿座可恣厭飲一網數十
百咄嗟可辦其黨戲之曰此名家肉寄生也

贈人

好事集毛傳好食鵠人與已相得
必以鵠贈之一日李翱送十二籃

題詩

明通紀成化年間進士李

文祥有才名與大學士萬安孫弘壁同年安欲引文祥
附已使弘壁延款於家出畫鵠請詩文祥題之末句云
春來風雨尋常事莫把天恩
作已恩安銜之出為縣丞

鵠五

原詩魏王粲詩曰鵠鳥化為鵠遠竄江漢邊遭遇風雲

會托身鸞鳳間天姿既否戾受性又不閑邂逅見逼迫
俛仰不得言 增梁吳均白浮鳩詩曰琅琊白浮鳩紫

翳飄陌頭食飲東莞野棲宿越王樓 唐張何織鳥詩

曰季春三月裏戴勝下桑來映日花冠動迎風繡羽開
候驚蠶事晚織向女工裁旅宿依花定輕飛遶樹回欲
過高閣柳更拂小庭梅所寄一枝在寧憂弋者猜 元
稹春鳩詩曰春鳩與百舌音響詎同年如何一時語俱
得春風憐猶知造物意當春不生蟬免教爭叫噪沸渭

桃花前 賈島題戴勝詩曰星點花冠道士衣紫陽宮

女化身飛能傳上界春消息若到蓬山莫放歸 王建

戴勝詞曰戴勝誰與爾為名木中作窠牆上鳴聲聲催

我急種穀人家向田不歸宿紫冠綵綵褐羽斑銜得蜻

蜓飛過屋可憐白鷺滿綠池不如戴勝知天時 溫憲

春鳩詩曰村南微雨新平綠淨無塵散睡桑條暖鬧鳴

屋脊春遠聞和曉夢相應在諸鄰行樂花時節追飛見

亦頻 宋梅堯臣咏鳩詩曰一世為巢拙長年與鵲爭

欲知雲脚雨先向屋頭鳴
頸上玉花碎臆前檀粉輕
何時將刻杖扶助老夫行
陸游嘲布穀詩曰時令過清
明朝朝布穀鳴但令春促駕
那為國催耕紅紫花枝盡
青黃麥穗成從今可無語
傾耳舜絃聲

原賦晉傅咸斑鳩賦曰集茂樹之蔭蔚登弱枝以容與
體郁郁以敷文音邕邕而有序情欽樂而是悅遂籠之
於前寓爾乃飲以神泉食之稻粱朝憩椒塗夕宿蘭房
時連翩於庭阿見飛燕之頡頏慨感物而哀鳴聲楚切

以懷傷仰華林而矯翼紛翾逝而高翔

原謳魏曹植魏德論謳曰斑斑者鳩爰素其質昔翔殷
邦今為魏出朱目丹趾靈姿詭類載飛載鳴彰我皇懿
原論魏曹植令禽惡鳥論曰昔荆之梟將徙巢於吳鳩
遇之曰子將安之梟曰將巢於吳鳩曰何去荆而巢吳
乎梟曰荆人惡予之聲鳩曰子能革子之聲則免無為
去荆而巢吳也如不能革子之聲則吳楚之民不異情
也為子計者莫若宛頸戢翼終身勿復鳴也

原序晉阮籍鳩賦序曰嘉平中得兩鳩子常食以黍稷
後卒為狗所殺故作賦 增宋陳造布穀吟序曰人以
布穀為催畊其聲曰脫了潑袴淮農傳其言云郭嫂打
婆浙人解云一百八箇鳥何與人事人以意測之是非
皆不同為作此 陸游詩序曰春夏之交鳴鳥百族惟
布穀聲最悲急動人

雞一

原爾雅曰雞大者蜀蜀子雞未成雞曰健絕有力奮雞

三尺為鷩

郭璞注蜀今蜀雞也雞雞于名也今江東守雞少者為健鷩古之名雞

易曰

巽為雞

雞知時號今之謂

易林曰巽為雞雞鳴節時家樂無

憂 春秋運斗樞曰玉衡星精散為雞遠雅頌著倡優

則雄雞五足 說題辭雞為積陽南方之象

離為日積陽之象也

火陽精物炎上故陽出雞鳴以類感也

日將出預喜於類見而鳴也

又曰雞之為言佳也佳而起為人期莫寶也

善為人制晏早

之期 毛詩曰君子于役不知其期曷至哉雞棲于埘

牆

而棲 曰埘

又曰雞棲于桀

棲于桀為桀

又風雨思君子也亂

世不改其度焉風雨淒淒雞鳴喈喈風雨如晦雞鳴不已又曰雞既鳴矣朝既盈矣匪雞則鳴蒼蠅之聲

周官曰工商執雞

取其守時而動

禮記曰子事父母雞初鳴

咸盥漱又曰季冬之月雉雊雞乳又曰祭宗廟之

禮雞曰翰音

增注翰長也雞肥則鳴聲長也

論語曰割雞焉用牛刀

莊子謂惠子曰羊溝之雞

司馬彪曰羊溝關雞之處

三歲為株

株

也相者視之則非良雞也然而數以勝人者以狸膏塗

其頭

雞畏狸也

又曰姬雞搏狸又曰越雞不能伏鵠卵

魯雞固能矣

增又曰見卵而求時夜

注時夜度時而呼更也雞未出

卵而早求其呼更此早計之喻也

原淮南子曰雞知將旦鵲知夜半

風俗通呼雞曰朱朱俗云相傳雞本朱氏翁化為之

今呼雞皆朱朱也

增按說文解州謂二口為謹州其聲也讀若祝祝者誘致禽畜和順之意

謂與朱音相似耳

龍魚河圖曰黑雞白頭食之病人雞有六

指亦殺人雞有四距亦殺人雞有五色亦殺人 白澤

圖曰雞有四距重翼者龍也殺之震死 論墓書曰養

白雞令識其主聲形以五月五日九月九日任意用五

色綵長五寸係雞頸將雞於名山放雞著山仰頭呪曰
必存鳴晨雞心開悟 本草曰烏雞主補中 增王褒

曰魚瞰雞睨李善以為魚目不瞑雞好邪視 物類相

感志曰野雞屬陰先鳴而後鼓翼家雞屬陽先鼓翼而
後鳴 徐鉉曰雞者稽也能稽時也 梵書雞曰鳩七

咤 輟耕錄曰司晨之雞必以童 老學菴筆記淮南

諺曰雞寒上樹鴨寒下水驗之皆不然有一媼曰雞寒
上距鴨寒下背耳上距謂縮一足下背謂藏其味於翼

間 原魏志曰馬韓國出細尾雞其尾長五尺餘 沈

懷遠南越志曰雞冠四開如蓮花鳴聲清徹 述異記

曰雩都縣江邊有石室常有神雞色如金出穴奮翼長

鳴見人輒飛入穴因號為金雞穴 淵中記曰東南有

桃都山上有大樹名曰桃都枝相去三千里上有天雞

日初出照此木天雞即鳴天下雞皆隨之 增神異經

曰扶桑山有玉雞玉雞鳴則金雞鳴金雞鳴則石雞鳴

石雞鳴則天下之雞悉鳴而潮水應之矣 輿地志曰

愛州移風縣有潮雞鳴長且清如吹角每潮至則鳴述
異記以為伺潮雞 交廣志曰白雞金散者美駝雞昂
首高可七尺出忽魯謨斯國長尾雞尾細而長長三尺
者出朝鮮國長五尺餘者出馬韓國南甸出應時雞晝
夜依時而鳴 原江表傳曰南郡獻長鳴承露雞 廣
志曰雞有胡髯五指金散反翅之種大者蜀小者荆白
雞金散者善奮并州所獻吳中送長鳴雞 又曰九真
郡出長鳴雞 增狼盲之雞特稟異聲

狼盲地名

拾遺記

曰胥徒國獻沉明石雞色如丹大如燕常在地中應時而鳴聲能徹遠其國聞鳴乃殺牲以祀之當鳴處掘地則得此雞若天下太平翔飛頡頏以為嘉瑞亦為寶雞道家云昔仙人桐君採藥入穴數里得丹石雞碎為藥服之者令人有聲氣後天而死

雞二

增徐整正律曰黃帝之時以鳳為雞 原列子曰紀渚子為周宣王養鬪雞十日而問之雞可鬪乎曰未也方

虛驕而恃氣十日又問之曰未也猶疾視而盛氣十日
又問之曰幾矣望之如木雞其德全矣異雞無敢應者
也 列仙傳曰祝雞公者雒陽人居尸鄉北山下養雞
百餘年雞皆有名字千餘頭暮栖於樹晝日放散呼名
即種別而至 博物志曰祝雞公養雞法今世人呼雞
祝祝起此也 增洞冥記曰有遠飛雞朝往夕還常銜
桂實歸於南土祝雞公善養雞得遠飛雞之卵伏之名
曰翻明雞如鵠大色紫有翼翼下有目亦曰目羽雞

左傳曰齊莊公朝指殖綽郭最曰是寡人之雄也州綽

曰君以為雄誰敢不雄然臣不敏平陰之役先二子鳴

晉伐齊及平陰州綽獲殖綽郭最故自比於雞鬪勝先鳴

原又曰季郈之雞鬪

季平

子郈昭伯二家相近故雞鬪

李氏芥其雞

以芥子播其羽或曰膠沙播之為芥雞

郈氏

為之金距 又曰賓孟適郊見雄雞自斷其尾問之侍

者曰憚為犧也 史記曰子路性鄙好勇力冠雄雞佩

玃豚殘暴孔子孔子乃設禮義稍誘之子路乃委質請

為弟子 韓詩外傳曰田饒事魯哀公而不見察謂哀

公曰君不見夫雞乎頭戴冠者文也足搏距者武也敵在前敢鬪者勇也見食相呼者仁也守夜不失時者信也雞雖有五德君猶日淪而食之者何也以其所從來近也夫鵠無此五德君猶貴之以其所從來者遠也

詳鵠

越絕書曰雞山者句踐以畜雞將伐吳以食死士

呂氏春秋曰善學者若齊王之食雞也食其蹠數千而後足
論衡曰孟嘗君叛出秦關雞未鳴關不開下座賤客鼓臂為雞鳴而羣雞和之乃得出關夫牛馬以同

類相應而雞人亦以殊音相和應和之驗未足以效同

類也 戰國策曰秦惠王謂寒泉子曰蘇秦欺敝邑欲

以一人之智反覆山東之君夫諸侯之不可一猶連雞

之不能俱止於棲也 燕丹子曰燕太子丹質於秦逃

歸到關丹為雞鳴遂得逃歸 史記曰武帝得越巫立

越祀而以雞卜上信之 論衡曰傳言淮南王得道畜

產皆仙犬吠天上雞鳴雲間 漢書曰王奉光好鬪雞

宣帝微時數與奉光會後即位封邛城侯 又曰宣帝

微時鬪雞於鄆杜之間 又曰龔遂為渤海太守使民

家養五雞 又曰宣帝時或言益州有金馬碧雞可醺

而致之於是遣王褒持節求焉

金形似馬
碧形似雞

增永光中

有獻雄雞生角者五行志以為王氏之應京房易傳賢

者居明夷之世知時而傷或衆在位厥妖雞生角 原

後漢書曰河南樂羊子妻不知何氏女嘗有他舍雞謬

入垣內姑盜殺食之妻對雞不食而泣姑怪問之妻曰

自傷居貧使食有他肉姑竟棄之 增搜神記曰漢桓

帝延熹五年臨沅縣有牛生雞兩頭四足 原九州春

秋曰魏王入漢中討劉備不得進意欲棄之乃發令曰
雞肋官屬不知何謂主簿楊修曰夫雞肋棄之則可惜
噉之無所得以比漢中王欲去也乃白魏王遂還 吳

錄曰魏文帝遣使求長鳴短鳴雞羣臣以非禮欲不與
孫權勅付之 吳時外國傳扶南王范尋以鐵為鬬雞
假距與諸將賭戲 增郭頌魏世語曰劉放孫資共典
樞要夏侯獻曹肇心內不平殿中有雞栖樹二人相謂

此亦久矣其能復幾 原幽明錄曰晉兗州刺史沛國

宋處宗嘗買得一長鳴雞愛養甚至恒籠著窗間雞遂

作人語與處宗談論極有玄致終日不輟處宗因此功

業大進 增甄異錄曰徐州人吳清以太元五年差征

殺雞求福置頭盤中忽然而鳴後以功拜清河太守雞

之妖更為祥 西河記曰涼州罪人於市將刑忽有一

白雄雞飛於人邊請命引頸長鳴伏地向吏驅之去輒

來刺史張義免其坐 御史臺記曰太學博士張昌宗

之族叔精五經惜於時事畜一雞呼為勃公子 梁元

帝金樓子曰羅含之雞能言 晉書曰元興中衡陽有

雌雞化為雄八十日而冠姜及桓靈寶建國於楚衡陽

屬焉自篡至敗凡八旬矣 異苑曰朱文繡與羅子鍾

為友仕於梁文繡既死子鍾哭之其夕亦亡梁南七里

有山葬文繡於其中北九里有澗埋子鍾於內文繡神

靈變為雞子鍾魂魄化為雉清鳴哀響往來不絕故詩

曰雞山別飛響雉澗和清音 冥報記曰周武帝好食

雞卵拔虎為監膳儀同開皇中死而復蘇云被攝證武帝進白團事儀同不識左右曰名雞卵為白團也唐明皇好鬪雞治雞坊於兩室間索長安雄雞金尾鐵距高冠昂首者千數養於雞坊選六軍小兒五百人使馴擾教飼之又以賈昌為小兒長貴臣外戚皆尚之貧者或弄木雞酉陽雜俎曰威遠軍子將臧平者好鬪雞雞高於常雞數寸無敢敵者威遠監軍與帛十疋彊買之因寒食乃進十宅諸王皆好鬪雞此雞凡敵十數猶

擅場怙氣穆宗大悅因賜威遠監軍帛百疋主雞者想

其蹠距奏曰此雞實有弟長趾善鳴前歲賣之河北軍

將獲錢二百萬朝野僉載曰渤海高疑巨富忽卒經

日而蘇云有一白衣人眇目把牒冥司訟殺其妻子疑

對元不識此老人冥官云君命未盡且放還遂悟白衣

人乃是家中老瞎麻雞也令射殺魁遂絕

搜神記王子珍父事同

清異錄曰郝輪陳別墅畜雞數百外甥丁權伯勸曰

畜一雞日殺小蟲無數况損命莫知紀極輪曰汝要我

破除羹本雖親而實疎也 宋高僧傳曰杭州徑山釋法欽姓朱氏嘗養一雞不食生類隨之若影不游他所及僧入長安長鳴三日而絕今雞冢在山也 客退紀談曰黃昏雞鳴必殺之以除不祥也沈氏黃昏雞鳴適有神降於伍氏沈往問之荅曰定昏雞啼福祿日躋於是沈氏日昌里中異之 遼史曰欽哀皇后蕭氏小字訥本錦入宮嘗拂承天太后榻獲金雞吞之膚色光澤勝常已而生興宗

雞三

原玉鐺

金距

上詳習徽賦
下詳雞二左傳

芥羽

花冠

上詳雞
二左傳

懷

下詳雞一沈
遠南越志

翠冠

黑羽

沈懷遠長鳴雞贊翠冠
續呂碧距麗陳就昏別

夕望旭驚晨
下見傳休弈賦

金骹

鐵距

上詳雞一廣志
詳雞二吳時外國傳

能言

善鬪

王季年拾遺記舍塗國去王都七萬里人
善服鳥獸雞犬皆使能言
西京雜記成

帝時交趾越禽獻長鳴雞即刻漏驗之晷
刺無差長鳴一食時不絕長距善鬪也

翠彩

朱

光

上見傅休弈賦
下見曹植賦

雙頭

四翼

王季年拾遺記太初
二年月氏貢雙頭雞

四足一尾鳴則俱鳴
魏收後魏書崔光字長仁河東
清河郡人也正始元年夏有典事史元顯獻四足四翼

難詔散騎侍郎趙邕以問光光表曰翅足衆多亦羣下

相扇動之象雖而未大脚弱差小亦其勢尚微易制禦

也武帝覽之悅後數日而元顯

等並以罪伏法於是體光適重

橫洞冥記有遠飛難夕則還依人晚則絕飛四海外朝

往夕還沈懷遠南越志威平有巨穴焉至於重陰四

晦則難

鳴雲中

童子化

大人殺

秦時陳倉見二寶雞化為

者霸穆公獵獲得雌者遂霸西戎立祠神光從東南

方來如雄雞之聲論語大人殺雞為黍而食子路

銜珠

舐藥

昭靈后名舍始游於洛水有玉雞銜赤珠

王劉安食藥得仙餘藥雞犬舐之

皆飛昇後雞鳴天上犬吠雲間

燭夜

無晨

古今

一名燭夜

古人

有言北雞無晨

鸞夾室

入新豐

禮凡鸞夾室用

注雞

太上皇恩豐沛故作新豐一如豐沛道路人家雞犬散
放之皆識其家西征賦曰混雞犬而亂放各識家以競

入 露樓

星散

樓晉符朗食雞知樓處曰此雞恒半露
樓檢之皆驗下詳雞一春秋運斗

樞

供母

愁予

容後漢茅容字季偉郭林宗過宿旦日
殺雞宗將謂為已設既而供母與

客單疏林宗起拜之

繫火

塗膏

殷浩北伐羌江
迫為長史取雞

長門賦眾雞鳴而愁予

百餘隻以長繩連之皆繫火一時驅放過塹

駭犀

集羌營皆發火燒之下注詳雞一莊子

更驚

駭雞之珍犀角也雞見影
則鳴下詳鴨二左傳

戒旦

候時

雞鳴戒
旦則飄

爾長

用牲

出詛

周禮雞人凡祭祀用雞牲鄭伯
使行出雞犬以詛射穎考叔者二

征

十五人

膠膠

啾啾

難鳴
並詩

早晨

失旦

感寒雞
之早晨

為行

利觜

剛爪

選秦政擅場

利觜長距終得賦爪似鍊剛

求敵

登樓

賈勇

求敵先鳴擅場

雞登樓而斂翼

繡頭

縞翼

朱冠

錦臆

鬬

東郊

鳴高樹

陳思王詩聞雞東郊

又雞鳴高樹端

養不畜狸

破

而得粟

養雞者不畜狸為山陰令問雞何食

齊二野父爭雞傳琬字李珪一云豆乃殺雞破得粟罪

言豆者一縣稱其神

嘲晰

毳毼

楚辭鵲雞嘲晰而悲鳴毳毼怒貌

揮羽

撫翼

司晨

增伺夜

洞冥記影娥池北有鳴琴之院有伺夜雞隨鼓節而鳴從夜至

晚一更為一聲五更為五聲亦曰五時雞

專棲

索鬬

抱朴子雞有專棲之權開元遺事

李林甫不得士心每有所行多不協羣議國人謂林甫精神剛戾如索鬬雞

五德

三號

上詳雞二韓詩外傳 史
記歷書曰雞三號卒明

登天

上樹

易翰音登于
天杜詩驅

雞上

戴冠郎

烏衣婦

異聞集汴人張琦家有女子
入夜哀痛白日即安已經年

歲王勣至其家停宿聞女子聲開古鏡照之痛者曰戴
冠郎被殺其病者牀下有雄雞死矣乃是主人七八

歲老雞

朝野僉戴衛鎬為縣官下縣至里人王幸在

家方假寐

夢一烏衣婦人引十數小兒著黃衣咸言乞

命叩頭再三斯須又至鎬甚惡其事遂催食欲前適鎬

所親者報曰王幸在家窮無物設饌有一雞見抱兒已

得十餘日

將欲殺之鎬方悟烏衣婦人果

食蹠棄

烏雞也

遂命解放是後復夢感欣然而去

肋斷尾鼓翼助氣伺潮雄鳴雌伏拖

錦碎沙戴紅拍翠介甲飾戈高冠沉羽

雞四

原思賢妃

詩雞鳴思賢妃也齊哀公荒淫怠慢故賢妃貞女夙夜警戒相成之道

刺不

德

詩女曰雞鳴刺不悅德而好女色馬

相聞

雞犬之音相聞人至老死不相往來

始乳

月

雀登背

晉元年三雀共登一雄雞背三入安東府廳事占者當三進爵為天子也

雌

為雄

漢孝宣帝時雌雄元后統政之故

玉雞

瑞應玉雞瑞氣也王者至孝合神明則至也

金雞

檀道濟晉陽秋安帝義熙元年雲都高山有金雞青黃色飛集巖谷間

候鳴問

寢

禮文王之為世子也雞初鳴衣履至寢門

聞鳴起舞

晉祖逖字士雅與劉琨同寢中夜聞

雞鳴蹴琨曰此非惡聲因起舞

反翅之種

胡髯之種

雞人

詳更漏

增驅雞

荀子視孺子之驅雞而見馭庶民之術急則驚緩則滯馴則安

棄雞

陳子云棄

晨雞俟鳳警亦猶棄當世之實才湏故人之執政

雞陂墟

吳越春秋婁門外雞陂墟者吳王牧

雞處 雞鳴埭

晉書武帝嘗幸琅瑯城宮人常從早發至湖北埭雞始鳴今呼為雞鳴埭

建

金雞

北齊大赦庫令於殿門外建金雞衆皆不識其義問於司馬膺之對曰按海中有占曰天雞星動當

有赦由是帝王以星為候

傳雞唱

漢官儀宮中不畜雞汝南出長鳴雞衛士候於朱雀門外專傳

雞唱 古歌東方欲明星爛爛汝南晨雞登壇喚曲終漏盡嚴具陳月沒星稀天下旦

雞五

原詩魏劉楨鬪雞詩曰丹雞被華綵雙距如鋒芒願一

揚炎威會戰此中唐利爪探玉除瞋目含火光長翹驚
風起勁翮正敷張輕舉奮鈎喙電擊復還翔 曹植鬪

雞詩曰游目極妙伎清聽厭宮商主人寂無為衆賓進
樂方長筵坐戲客鬪雞閒觀房羣雄正翕赫雙翅自飛
揚揮羽激清風悍目發朱光背落輕毛散嚴距往往傷
長鳴入青雲扇翼獨翱翔願蒙狸膏助長得擅此場

應瑒鬪雞詩曰戚戚懷不樂無以釋勞勤兄弟游戲場
命駕迎衆賓二部分曹伍羣雞渙以陳雙距解長綵飛

踊超敵倫芥羽張金距連戰何繽紛從朝至日夕勝負
尚未分專場驅衆敵剛捷逸等羣四坐同休贊賓主懷
悅欣博奕非不樂此戲世所珍 梁簡文帝鬪雞詩曰
歡樂良無已東郊春可游百花非一色新田多異流龍
尾橫津漢車籠赴戍樓玉冠初警敵芥羽忽猜儔十日
驕旣滿九勝勢恒邁脫使田饒見堪能說魯侯 又雞
鳴詩曰埒雞識將曙長鳴高樹顛啄葉疑障羽排花彊
欲前意氣多驚舉飄揚獨無侶陳思助鬪協狸膏邱昭

妬敵安金距丹山可愛有鳳皇金門飛舞有鴛鴦何如
五德美豈勝千里翔 劉孝威鬪雞篇曰丹雞翠翼張
妬敵得專場翅中含芥粉距外曜金芒願賜淮南藥一
使雲間翔 周庾信鬪雞詩曰開軒望平子驟馬看陳
王狸膏燠鬪敵芥粉塹春場解翅蓮花動猜羣錦臆張
王褒看鬪雞詩曰蹀躞始橫行意氣欲相傾妬敵金
芒起猜羣芥粉生入場疑挑戰逐退似追兵誰知函谷
下人去獨開城 陳徐陵鬪雞詩曰季子聊為戲陳王

欲騁才花冠已衝力金爪復驚媒鬪鳳羞衣錦雙鸞恥
鏡臺陳倉若有信為覓寶雞來 周弘正詠老敗鬪雞
詩曰少壯推雄敵盼視生猜忌一隨年月衰推頽落毛
駛閒觀春光滿東郊草色異無復先鳴力空餘擅場意
褚玠鬪雞東郊道詩曰春郊鬪雞侶捧敵兩逢迎詭
羣排袖出帶勇向場驚錦毛侵距散芥羽雜塵生還同
戰勝罷耿介寄前鳴 增隋岑德潤雞鳴篇曰鐘響應
繁霜晨雞錦臆張簾迴猶侵露枝高已映光排空下朝

揭奮翼上花場雨晦思君子關開脫孟嘗既得依雲外

安用集陳倉 唐杜淹咏寒食鬪雞應秦王教詩曰寒

食東郊道揚鞞競出籠花冠初照日芥羽正生風顧敵

知心勇先鳴覺氣雄長翹頻掃陣利爪屢通中飛毛遍

綠野灑血漬芳藂雖然百戰勝會自不論功 杜甫咏

雞詩曰紀德名標五初鳴度必三殊方聽有異失次曉

無慙問俗人情似充庖爾輩堪氣交亭育際巫峽漏司

南 秦系曉雞詩曰黯黯嚴城罷鼓鼙數聲相續出寒

棲不嫌驚破紗窗夢却恐為妖半夜啼 李益聞雞贈
主人詩曰嘒嘒司晨鳴報爾東方旭無事戀君軒令君
重見鵠 韓愈孟郊鬪雞聯句曰大雞昂然來小雞竦
而待崢嶸顛盛氣洗刷凝鮮綵高行若矜豪側睨如伺
殆精光目相射劍戟心獨在既取冠為冑復以距為鏃
天時得清寒地利挾爽塏磔毛各噤痒怒癭爭礮磊俄
膺忽爾低植立瞥而改臑膊戰聲喧綰翻落羽睢中休
事未浹小挫勢益倍妒腸務生敵賊性專相醢裂血失

鳴聲啄殷甚飢餒對起何急驚隨旋仍巧給毒手飽李
陽神槌困朱亥惻心我以仁碎首爾何罪獨勝事有然
旁驚汗流沫知雄欣動顏怯負愁看賄爭觀雲填道助
叫波翻海事爪深難解嗔晴時未怠一噴一醒然再接
再礪乃頭垂碎丹砂翼塌拖錦綵連軒尚賈餘清厲比
歸凱選俊感收毛受恩慙始隗英心甘鬪死義肉耻庖
宰君看鬪雞篇短韻有可採 李商隱賦得雞詩曰稻
梁猶足活諸雛妒敵專場好自娛可要五更驚穩夢不

辭風雪為陽鳥 李頻風雨聞雞詩曰不為風雨變雞

德一何貞在暗長先覺臨晨即自鳴陰霾方見信頃刻

詎移聲向晦如相警知時似獨清蕭蕭和斷漏喔喔報

重城欲識詩人興中含君子情 王道雞鳴曲曰金距

花冠傍舍棲清晨相叫一聲齊開關自有馮生計不必

天明待汝啼 韓偓觀雞鬪偶作詩曰何曾解報稻粱

恩金距花冠氣過雲白日梟鳴無意問惟將芥羽害同

羣 李咸用雞鳴曲曰海樹相扶鳥影翹戴紅拍翠聲

膠膠駕瓦凍危金距趨誇雄鬪氣爭相高漏殘雨急風
蕭蕭離人枕上心忉忉 又早雞詩曰錦翅朱冠驚四

鄰稻梁恩重職司晨不知下土兵難戢但報明時向國
人 南唐陳陶雞鳴曲曰雞聲春曉上林中一聲驚落
蝦蟇宮二聲喚破枕邊夢三聲行人煙海紅平旦慵將
百雞語蓬鬆錦繡當陽處愧君飲食長相呼為君晝鳴
下高樹 閩徐夔雞詩曰名參十二屬花入羽毛深守
信催朝日能鳴送曉陰我冠裝瑞壁利爪削黃金徒有

稻粱感何由報德音 崔道融雞詩曰買得晨雞共雞

語常時不用等閑鳴深山月黑風雨夜欲近曉天啼一

聲 五代劉兼晨雞詩曰朱冠金距綵毛身昧爽高聲

已報晨作瑞莫慚先貢楚壇場須信獨推秦淮南也伴

升仙犬函谷曾容借曉人此日卑棲隨飲啄宰君驅我

亦相馴 宋梅堯臣晚泊觀鬪雞詩曰舟子抱雞來雄

雄峙高岸側行初取勢俯啄示無憚先鳴氣益振奮擊

心非慊勇頸毛逆張怒目皆裂眦血流何所爭死鬪欲

充玩應當激猛毅豈獨專晨旦勝酒人自私粒食誰爾
喚 宋祁詩曰君園稻富非爭食省樹枝深未許棲但
得齊蠅無亂響不辭風雨五更啼 劉敞養雞詩曰耆

舊飄流漢汝南長鳴獨與古無慙蕭蕭風雨思君子欲
倚空窗聽爾談 蘇軾僧爽白雞詩注養三十餘年常

立坐側聽經詩曰斷尾雄雞本畏烹年來聽法伴修行
還須却置蓮花漏老怯風霜恐不鳴 文同詩曰崢嶸
已介季氏甲更以黃金飾兩戈雖有英心甘鬪死其如

紀渚水雞何

又詩曰昂然大雄雞高冠紫沉羽星占

太史局樹接丞相府知時不失晦得食曾呼伍幸無中

夜鳴須逢人起舞

陸游贈老雞詩曰我我赤幘先羣

輩喔喔長鳴蓋四郊意氣雖雄無處用風霜從我老衡

茅又詩曰場中啄粟樹頭棲三唱明星出尚低關路

元無孟嘗客吳兒莫議會稽雞

又白雞詩曰赤幘我

我玉羽明籬間新織竹籠成老人從此知昏曉不用元

戎報五更

又新買啼雞詩曰我我赤幘聲甚雄意氣

不與其曹同我求長鳴久未獲一見便覺千羣空主人
燒神議已決知我此意遽見從秋衣初縫惜不得急與
三百新青銅憐渠亦復解人意來宿庭樹不待籠狐狸
熟睨那敢犯蕭蕭清露和微風五更引吭震戶牖橫挺
無復須元戎明星已高啼未已雲際騰上朝陽紅老夫
抱病氣已索賴汝豪壯生胸中明朝春黍得碎粒第一
當冊司晨功 陳無已次韻秦觀聞雞詩曰立馬階除
待一鳴何如春夢不聞聲固知雞口羞牛後不待羣鳴

已可驚 元楊維禎鬪雞行曰兩雄勇銳誇匹敵老距

當場利如戟毳毼毳毼刺張怒咽礮礮噴睛碧劍心
一動碎花冠口血相汙膠絲翼何當罷鬪作啼聲埭上
梨花春露滴 明俞允文雞詩曰月落空營舊壘低寒
風獵獵大荒西驚魂易斷江南夢惱殺重城未曉啼

原賦晉傅休奕鬪雞賦曰黑羽黝而含曜兮素毛穎而
揚精紅縹廁於微黃兮翠綵蔚而流青五色錯而成文
兮質光麗而豐盈前看如倒傍視如傾目象規作觜似

削成高膺峭踣雙翅齊平躍身竦體怒勢橫生爪似鍊
鋼目如奔星揚翹因風撫翮長鳴猛志橫逸勢凌天廷
或躑躅踟躕或聶喋容與或爬地俯仰或撫翼未舉或
狼顧鵠視或鸞翔鵠舞或佯背而引敵或畢命於彊禦
於是紛紜翕赫雷合電擊爭奮身而相戟分競隼鷙而
鵬睨得勢者凌九天失據者淪九地徒觀其戰也則距
不虛挂翮不徒撫意如飢鷹勢如逸虎 陸善長鳴雞
賦曰美南雞之殊偉察五色之異形何伺晨之早發抗

長音之逸聲 習嘏長鳴雞賦曰嘉鳴雞之令美智窮

神而入靈審璇璣之迴遽定昏明之至精應青陽於將
旦忽鵠立而鳳停乃拊翼以讚時遂延頸而長鳴若乃
本其形像詳其羽儀朱冠玉璫彤素並施紛葩赫奕五
色流離殊姿艷溢彩耀華披雍容鬱茂飄颻風靡扇六
翮以增輝舒毳毛而下垂違雙距之岌我曳長尾之逶
迤 增唐浩虛舟木雞賦曰縱逸情絕端良氣全臆離
披而踵附眸眩曜而節穿驚被文而錦翼蔚矣速舉木

而花冠爛然故能進異激昂處同虛寂郢工誤起乎心
匠邱氏徒驚乎目擊 宋張耒鳴雞賦曰意氣武毅被
服鮮明莪莪朱冠丹頸黝膺蒼距矯攫秀尾翹騰奉職
有恪徐步我庭啄粟飲水孔肅靡爭山川蒼蒼風霰宵
凝黯幽窗之紈紈恍予夢之初驚聞振衣之膈膊忽孤
奏之泠泠委更籌之雜亂和城角之淒清應雲外之鳴
鴻弔山顛之落星

原贊晉湛方生長鳴雞贊曰精心妙覺獨曉冥冥風雨

如晦不憊其鳴 梁劉孝威正旦春雞賛曰寶雞陳倉
祠光表神雄飛帝漢雌飛霸秦排膺激怒礪翅張瞋電
鞭失燄雷車折輪助標魏教擅場齊珍名流晉戟歌傳
漢臣竊脂善盜搏穀難馴綠鸚智淺蒼鷹害深兼姿五
德歸於翰音

原文宋袁淑俳諧記雞九錫文曰維神崔元年歲在辛
酉八月己酉朔十三日丁酉帝顓頊遣征西大將軍下
雉公王鳳西中郎將白門侯扁鵲咨爾浚雞山子維君

天姿英茂乘機晨鳴雖風雨之如晦抗不已之奇聲今
以君為使持節金西蠻校尉西河太守以揚州之會稽
封君為會稽公以前浚雞山為湯沐邑君其祇承予命
使西海之水如帶浚雞之山如礪國以永存爰及苗裔
浚山侍郎丁鴻舍人鳧亭男梁鴻郎中蘇鵠死罪伏惟
君德著朝野勲加鸛鷺故天王鳳皇特錫位封令鳳鵠
等在柏外願時拜受不勝欣豫之情謹詣栖下以聞

山雞一吐綬雞

竹雞

英雞

秧雞

火雞附

錦雞

鸛雞

杉雞

原竺法真登羅山疏曰山海經云鷩雉一名山雞養之
禳火災 南越志曰曾城縣多鷩鷩鷩者山雞也利
距善闘世以家雞闘之則可擒也光色鮮明五采炫耀
增本草釋名曰鷩性慙急耿介故名鷩鷩儀容俊秀
也周有鷩冕漢有鷩冠皆取其文明俊秀之義鷩與
鷩同名山雞鷩大而鷩小鷩與鷩同名錦雞鷩文在綬
而鷩文在身以此為異大抵皆雉屬也按禽經云首有
彩毛曰山雞腹有彩色曰錦雞項有彩囊曰避株是山

雞錦雞又稍有分別而俗通呼為一矣蓋是一類不甚相遠也 博物志曰山雞有美毛自愛其色終日映水

目眩則溺死 原辛氏三秦記曰陳倉山在太白之西

上有石雞與山雞各別趙高使燒山山雞飛去石雞不

去晨鳴山頭聲聞三十里或云是玉雞 異苑曰山雞

愛其毛映水則舞魏武時南方獻之武帝欲其鳴舞而

無由公子倉舒令以大鏡置其前雞鑒形而舞不知止

遂乏死韋仲將為之賦甚美 魏志曰平原太守劉邠

取山雞毛著器中使管輅筮之輅曰高岳巖巖有鳥朱
首羽翼黝黃鳴不失晨此山雞毛也 增裴景仁苻秦

書曰苻健皇始四年冬山雞入人家栖宿養子而去羣
聚傍渭水而游翔與家雞無異 吐綬雞出巴峽及閩
廣山中人多畜玩大如家雞小者如鵲鵲頭頰似雉羽
色多黑雜以黃白圓點如真珠斑項有嚟囊內藏肉綬
常時不見每春夏晴明則向日擺之頂上先出兩翠角
二寸許乃徐舒其領下之綬長濶近尺紅碧相間采色

煥爛踰時悉斂不見或剖而視之一無所覩此鳥生亦反哺行則避草木故禽經謂之避株本草謂之吐錦雞古今注謂之錦囊蔡氏詩話謂之真珠雞倦游錄謂之孝鳥詩經謂之鷩音有旨鷩是矣述異記曰吐綬鳥

一名錦帶功曹

錦雞禽經曰腹有彩文曰錦雞張華

注狀如鳩鵲膺前五色如孔雀羽出南越山中歲採捕之為王者冠服之飾虞衡志曰南中有錦雞一名金雞形如小雞頭項髮毛金色身紅黃相間極有文彩目

微白湖南北亦有之 鷓鴣雞似鷺金頂紅背肉味香脆

柔美甲於水陸之鳥每來於三月三前去於九月九前

來則夜至羣飛之聲如雷 杉雞黃冠青綬常住杉樹

下頭上有長黃毛如冠頭及頸正青如垂纓 南越志

曰新夷縣多杉雞 竹雞格物論曰竹雞比鷓鴣差小

毛羽褐色多斑赤文自呼泥滑滑 本草釋名曰山茵

子即竹雞也 又曰茵子言味美如茵也蜀人呼為雞

頭鷓南人呼為泥滑滑因其聲也 本草集解曰竹雞

生江南川廣處處有之多居竹林其性好啼見其儔必
鬪捕者以媒誘其鬪因而網之諺云家有竹雞啼白蟻
化為泥蓋好食蟻也亦辟壁蟲 英雞出澤州有石英
處常食碎石英狀如雞而雉尾體熱無毛腹下毛赤飛
翔不遠腸中常有石英人食之取英之功也 秧雞大
如小雞白頰長嘴短尾背有白斑多居田澤畔夏至後
夜鳴達旦秋後即止一種鷓鴣雞亦秧雞之類也大如雞
而長脚紅冠雄者大而色褐雌者稍小而色斑秋月即

無其聲甚大 火雞瀛涯勝覽曰三佛齊國出火雞大
如鶴身圓而頸更長頸中有二紅軟冠狀如紅褐尖觜
渾身毛如羊毛稀長青色脚長鐵黑其爪甚利或爪破
人腹腸出即死好食麩炭因名火雞用杖捶碎打不能
死

山雞二

增詩唐崔護山雞舞石鏡詩曰廬峰開石鏡人說舞山
雞物象纖無隱禽情目自迷景當煙霧歇心喜錦翎齊

宛轉烏呈彩婆娑鳳欲棲何言資羽族在地得天倪應

笑翰名者終朝飲敗醢 溫庭筠山雞詩曰石壑動晴

景山禽凌翠微繡翎翻草去紅觜啄花歸巢暖碧雲色

影孤清鏡輝不知春樹畔何處又分飛 許渾山雞詩

曰珍禽暫不局飛舞躍前庭翠網推金距雕籠減繡翎

月圓疑望鏡花暖似依屏何必舊巢去山山芳草青

薛能山雞詩曰五色文勝百鳥王相思兼絕寄芸香由

來不是池中物雞樹歸時即取將 宋歐陽修山雞詩

曰蠻荆鮮人秀厥美為物怪禽鳥得之多山雞稟其粹
衆彩爛成文真色不可繪仙衣霓紛披女錦花綵縈輝
光日華亂眩轉目睛憊高田啄秋粟下澗飲泉瀨清唳
或相呼舞影還自愛豈知文章累遂使羅網挂及禍誠
其媒求友反遭賣有身乃吾患斷尾亦前戒不羣世所
驚甚美衆之害稻梁雖云厚樊紲豈為泰山林歸無期
羽翮日已鍛用晦有前言書之可為誠 文同山雞詩
曰高原濯濯弄春暉金碧光纓繪綵衣石溜寫煙晴自

照巖枝橫月夜相依有時勃宰盤跚舞忽地鉤輶格磔
啼寄語人間用繒繳瑤臺鸞鳳好同歸 唐劉禹錫吐

綬雞詩曰越山有鳥翔寥廓嗟中天綬光若若越人偶
見而奇之因名吐綬江南知四明天姥神仙地朱鳥星
精鍾異氣赤玉雕成彪炳毛紅綃剪出玲瓏翅湖煙始
開山日高迎風吐綬盤花條臨波自染琅玕草映葉疑
開王母桃花紅草綠人間事未若靈禽自然貴鶴吐明
珠暫報恩鵲銜金印空為瑞春和秋霽野花開玩景尋

芳處處來翠幕雕籠非所慕珠丸柘彈莫相猜棲月啼
煙凌縹緲高秋先見金霞曉三山仙路寄遙情刷羽揚
翹欲上征不學碧雞依井絡願隨青鳥向層城大液池
中有黃鵠憐君長向卑枝宿何如一借羊角風來聽簫
韶九成曲 宋王安石吐綬雞詩曰樊籠寄食老低摧
組麗深藏肯自媒天日清明聊一吐兒童初見互驚猜
張舜民咏薛判官吐綬雞詩曰雲飛水宿永相忘却
向雕籠仰稻粱春草滿山歸不得對人猶復吐文章

元周權吐綬雞詩曰巴山靈鳥初離羣歲蕤麗組雲錦

文羽翎新刷爪距利采色勝似沙頭鴛晴暎入戶爛相

射喙中有物垂紅碧綬光若若花盤條出示山童有矜

色文章固足媒爾身雕籠拘束還悲辛區區飲啄豈不

厚情深野樹溪雲春 元鄭允端吐綬雞詩庭院春陰

護薄寒山禽飛下玉闌干胸中錦繡無人識閑向東風

自吐看 明楊基吐綬雞詩曰暖風晴日融春晝閑看

花陰雞吐綬綺縠都將綵羽粧紅絲不待金針繡疊疊


胭脂縷縷金龍紋盤錯鳳紋深憑誰剪作鴛鴦帶雅稱
佳人翡翠衿 宋張舜民錦雞詩序曰焦君以錦雞為
贈文彩可愛性復馴狎然終日為家貓所困遂復挈還
仍嗣短句魯恭感物性能馴因把華蟲贈里仁雖有文
章堪悅目却無言語解媒身只愁貓犬常窺汝胡不山
林遠避人好在舊籠還舊主便當歸故澗之濱 劉克
莊弔錦雞詩曰炎州產文雞毛羽固天稟朱丹飾尾距
綵繡錯襟袵主人極珍憐禽合分俸廩置諸後園中小

奴司啄飲地荒籠柵疎客見輒危慄黠狸出沒精豪鼠
窺伺稔諒垂彼饒涎或睨君高枕駭機中夕發果以斃
來論裂冠首立碎啗嘯聲已噤酷哉三尺喙殘此一段
錦長嗟命瘞埋詎忍付烹飪始為文采累終欠智慮審
善視雙翠衣衣涼勿嗜寢 宋林光朝乞竹雞詩曰疎
籬短短花枝闌鳩婦不鳴天雨寒鳩婦離家二百日亦
有姊妹依故山黃梁不肯啄欲去羽衣殘主人一見一
憐汝抱取東家竹雞來戲聚孤村落日不相識各各哀

鳴求其主兩鳥勿驚遽低頭聽我語鳩婦入我家必殺
入吾口牀頭瓶甕無餘粒養汝一到十日後東堂數竹
夾新蹊兒童牢落惟愛一竹雞堂心有智井飢則哺其
泥主人緣窗安淨几丹碧相依安用此竹雞竹雞慎勿
傍人飛我屋三間沉白蟻

原賦晉傅休奕山雞賦曰惟南州之令鳥兼坤離而體
珍被黃中之正色敷文象以飾身翳景山之竹林超游
集乎水濱鑒中流以顧影晞雲表之清塵 宋臨川康

王山雞賦曰形鳳婉而鵠峙羽袞蔚而紺暉臨淥湍而
映藻傍青崖而妍飛不隱耀而貽累倏見屈於虞機



御定淵鑑類函卷四百二十五

欽定四庫全書

子部

御定淵鑑類函卷四百二十六

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣王璜

謄錄監生臣藍嘉璐

欽定四庫全書

御定淵鑑類函卷四百二十六

鳥部九

鵠

鴨

倉庚

鴛鴦

鵠鵠

鵠鵠

鵠一

增爾雅曰舒雁鵠也一曰蒼鵠

音歌鵠類如瘤長脰善鳴又善旋轉其項古之

學書者法以動腕義之好鵠者以此又古有鵠鵠之陣其性頑而傲蓋鵠我首似傲故曰傲也

本草

釋名曰鵠鳴自呼江東謂之舒雁似雁而舒遲也本

草集解曰江淮以南多畜之有蒼白二色及大而垂胡

者並綠眼黃喙紅掌善鬪其夜鳴應更師曠禽經云脚
近驛者能步鷺鷥是也又云鵠伏卵則逆月謂向月取
氣助卵也性能啖蛇及蚓制射工故養之能辟蟲虺或
言鵠性不食生蟲者不然 禽經曰鵠飛則蟻沉蟻即
射工也 又曰陸生之鳥味多銳而善啄水生之鳥味
多匾而善啞善啞鳴鵠之類也善啄鵠鶴之類也 又
曰鵠見異類差翅鳴見同類拊翅鳴 埤雅曰鵠之行
也自然而有行列故聘禮云出如舒雁 清異錄曰世

呼鵝為兀地奴以其行步盤跚耳 鵝伏隨日鵝伏隨

月說者以為乳鵝伏卵隨日光所轉 洞冥記曰喜日

鵝每日出時鼓翅而舞亦名舞日鵝 原廣志曰駕鵝

野鵝也 臨海記曰郡東南有白石山高三百餘丈望

之如雪山上有湖古老相傳云金鵝所集八桂所植下

有谿谷金光煥然 增南越志曰化蒙縣祠山上有湖

湖中有泉鵝如今野鵝弄吭山泉故號為泉鵝 嶺南

異物志曰邕州蠻人選鵝腹毳毛為衣被絮柔煖而性

冷嬰兒尤宜之能辟驚癩柳子厚詩云鵝毛禦臘縫山
罽即此 宋祈雨雪法擇靈祠為壇取白鵝割項盛血
并鵝奠之次日俱於壇前瘞之志林云鵝能警盜又能
却蛇且有祈雨之厄悲夫

鵝二

原列子曰黃帝與炎帝戰以鵬鵠鷹雁鵞為旗幟 魯
連子曰君鵞鴨有餘食士不足半菽 增後漢志曰海
昏侯沈戎卒葬於烏程之金鵞山上有金鵞飛集三鳴

而去其後沈氏通顯諺云金鵝鳴沈氏興 抱朴子曰

吳景帝有疾覲視之得一人欲試之乃殺鵝而埋於苑
中深小屋施牀几以婦人屣履服物著其上乃使覲視
之告曰若能說此塚中鬼婦人形狀者加賞而即信矣
竟日無言帝推問之急乃曰實不見有鬼但見一頭白
鵝立墓下所以不即白然則鵝死亦有鬼也 晉書曰

孝懷帝永嘉元年洛城東北步廣里

即周之狄泉也

地陷有蒼

白二色鵝出蒼者飛翔冲天白者不能止焉 晉太元

中章安郡史惺有駮雄鷯善鳴惺女常養之鷯非女不食荀儉苦求得之鷯輒不食乃以還惺又數日晨起失女及鷯鄰家聞鷯向西追至一水唯見女衣及鷯毛在水邊今名此水為鷯女溪 桓南郡小兒時與諸從兄弟各養鷯共鬪南郡鷯每不如甚以為忿迺夜往鷯闌間取諸兄弟鷯悉殺之既曉家人咸驚駭云是變怪以白車騎車騎曰當是南郡戲耳問果如之 原幽明錄曰晉義熙中羗王姚毗洛陽陰溝取磚得一雙雄鷯並

金色交頸長鳴聲聞於九臯養之此溝 增兩京記曰

靜影寺沙門慧遠講經初在鄉養一鵝常隨遠聽經及
遠入京留在寺晝夜鳴叫不止僧徒送入京至此寺門
故之自然知遠房便入馴狎每聞講經即入堂伏聽若
聞泛說他事則鳴翔而出如是六年忽哀叫庭宇不肯
入堂二旬而遠卒寺內有遠碑亦述其事 原秦記曰
符朗食鵝炙知黑白之處人不信既而試之果然 增
唐書曰高祖義兵至河東隋將堯君素城守時圍甚急

君素乃為木鵝置表於頸具論事勢浮之黃河下河陽
守者得之達於東都 朝野僉載曰久視年中越州有
祖錄事早出見擔鵝向市中者鵝見錄事頻顧而鳴祖
乃以錢贖之至僧寺令收為長生鵝鵝竟不肯入寺但
走逐祖後經坊歷市稠人廣衆之處一步不放祖收養
之左丞張錫親見其說也 寰宇記曰天寶末德清沈
朝家有鵝育卵而腸出以死其雛悲鳴不復食咏敗薦
覆之又銜芻草母前若祭奠狀長呼數聲而死沈氏異

而埋之後人因呼為孝鵝塚

鵝三

原書經換

命駕觀

右軍王羲之嘗見山陰道士有羣鵝求之道士邀右軍書黃庭經以換

遂與之

增又仙傳拾遺云

山陰道士管霄霞求王羲之寫道德經舉紅鵝一雙相贈後鵝冲霄飛去

王羲

之性好鵝會稽有一孤居姥養一鵝善鳴求市未得遂携親友命駕往觀之母聞王右軍至乃烹鵝以待之羲

之歎息

彌日

綠眼

黃喙

霜毛

玉羽

增書生入籠

漁人聽鈴

晉許彥相往緄安山行遇一書生卧路側云足痛求寄鵝籠中彥相戲言許之書生

便入籠中籠亦不廣書生與雙鵝並坐負之亦不覺重至一大樹下書生乃出籠去

酉陽雜俎濟南郡張公

城西北有鵞浦南燕世有漁人居水側常聽鵞聲而衆
鵞中有鈴聲甚清亮候之見一鵞咽頸極長因羅得之
項上有銅鈴綴以銀鎖
有隱起元鼎元年字也
夢銜經 頸繫書 王襲之愛

信佛惟事宰殺初為晉西省郎嘗養雙鵞甚愛之夜夢
鵞口銜一卷經可十指許取看皆說罪福之事及旦果
見佛經因是不敢宰殺信佛過人 埤史湘東王以妾
徐氏賜庾信妾與信弟挾私通挾欲求之無敢言者信
庭前有蒼鵞乃繫書於頸信
視之遂題紙尾曰畜生乞汝
却月 懸魚 胃垂却月
脚似懸魚

鵞四

原出哇

子飛去

傅承為江夏守有鵞一隻飛去

三年後更引三十餘頭而來

增鬪

鵞

田令孜傳唐僖宗數幸興慶池
與諸王鬪鵞一鵞至值十萬錢

戲鵞

明興雜記太
祖幼時嘗見

羣鷺游於庭戲以青白二紙旗左右豎立命之曰青者立青旗下白者立白旗下違者死羣鷺如命而往獨一花鷺不知所適往來於青白之間

木鷺飛

淮南子魯般墨子以木為鷺而飛三日集而不可使

為工也

金鵝獻

唐貞觀二十年吐蕃遣其大臣祿東贊奉表言聖天子討高麗繞聞陛下發駕

少選之間已聞歸國雁飛迅越不及陛下速疾忝預子壻喜倍常情夫鷺猶雁也故作金鵝奉獻其鷺黃金鑄

成高七尺中可實酒三斛

亂軍聲

李愬入蔡州夜半至懸瓠城雪甚城傍皆鷺鷺池愬令擊以亂

軍聲

惱比鄰

魏陸勗見童驅鷺鴨出輒問曰不曾使鄰人惱否故杜詩曰不教鷺鴨惱比隣

可堪五萬

京下劉光祿家養好鷺劉後軍從京師還鎮潯陽以一隻鷺為後軍別純蒼色頸長四尺

許頭似龍此一隻鷺可堪五萬自後不復見有此類

惟願雙生

聞見錄曰李先主以國用不足

稅民爲卵出雙生者柳花爲絮者伶人獻
詞云惟願普天多瑞慶柳條結絮爲雙生

鵝五

增詩唐駱賓王七歲時作詠鵝詩曰鵝鵝鵝曲項向天
歌白毛浮綠水紅掌撥清波 杜甫得房公池鵝詩曰
房相西亭鵝一羣眠沙泛浦白於雲鳳凰池上應回首
爲報籠隨王右軍 又舟前小鵝兒詩曰鵝兒黃似酒
對酒愛新鵝引頸嗔船逼無行亂眼多翅開遭宿雨力
小困滄波客散層城暮狐狸奈若何 呂溫道州北池

放鵝詩曰我非好鵝癖爾之鳴雁安安得免沸鼎澹然
游清池見生不忍食深情固在斯能自遠飛去無念稻
梁為 李商隱鵝詩曰眠沙卧水白成羣曲岸斜陽極
浦雲那得將心憐孔翠羈雌常共故雄分 李郢詩曰

臘後閑行村舍邊黃鵝清水真可憐何時散亂隨青草
永日淹留在野田無事羣鳴遮水際爭來引頸逼人前
風吹楚澤蒹葭暮看下水寒溪逐去船 宋陳造傅商卿
借鵝詩曰吾家水菴慣秋春穀飼欄栖又一新友誼何

須換鶯帖隣牆防有喉焚人眠沙泛渚期他日問俗充
庖戒未仁酬我質劑當倍稱學書還復慰清真 陸游
過建陽縣以雙鵝贈東觀道士為長生鵝俯觀大溪鵝
得所矣賦詩曰閑泛晴波啞綠萍却衝微雨傍煙汀會
稽內史如相遇換取黃庭一卷經

原賦宋鮑照野鵝賦曰入長羅之逼脅負高繳之樊縈
邈辭羣而別偶超煙霧而風行踐菲跡於瑤塗升弱羽
於丹庭望征雲而延悼顧委翼而自傷無青雀之銜命

乏赤雁之嘉祥空穢君之園池徒慙君之稻粱

原序晉蘇彥鵠詩序曰時暫出郡忽聞鵠鳴聲甚哀急乃云野人所致外吏規為方便以俟送客聞之悵然乃感莊生善鳴之雁若其無音將充庖廚豈得放任矯翮籠樊 沈充鵠賦序曰先大夫俞潁川者殊精意於養鵠求得奇鵠時有綠眼黃喙焦叔明以為太康中得大蒼鵠從喙至足四尺有九寸體色豐麗鳴聲驚人三年而為暴犬所害惜其不終故為之賦云

鴨一鳧與鴨同
白帖并入

原廣雅曰鳧鶩鴨也 說文曰鶩野鳧也 增本草正

誤曰鶩即鴨有家鴨野鴨 尸子云野鴨為鳧家鴨為

鶩不能飛翔如庶人守耕稼而已 唐王勃滕王閣序

曰落霞與孤鶩齊飛蓋鶩有舒鳧之名而鳧有野鶩之

稱可以通用案周禮執鶩豈野鴨乎國風弋鳧豈家鴨

乎 本草釋名曰鶩通作木曲禮云庶人執匹匹雙鶩

也匹夫卑末故廣雅謂鴨為鶩音末鴨音匹禽經云鴨名呬

呬其名自呬能高飛而鴨舒緩不能飛故曰舒呬

本草集解曰按格物論鴨雄者綠頭文翅雌者黃斑色
但有純黑純白者又有白而烏骨者皆雄瘖雌鳴重陽
後乃肥腴味美清明後生卵則內陷不滿伏卵聞礮磨
之聲則暇而不成無雌抱伏則以牛屎嫗而出之此皆
物理之不可曉者也 釋名曰呬從儿音殊短羽高飛貌

鳬義取此爾雅云鴈沉鳬也鳬性好沒故也俗作晨鳬
云鳬常以晨飛亦通 集解曰鳬東南江海河泊中皆

有之數百為羣晨夜蔽天而飛聲如風雨所至稻梁一
空陸璣詩疏狀如鴨而小雜白青色背上有文短喙長
尾卑脚紅掌水鳥之謹原者肥而耐寒 原廣志曰野
鴨雄者赤頭有距鶩生百卵一日再生有露華鶩以秋
冬生卵並出蜀晨鳬肥而耐寒宜為臠 吳錄曰婁縣
有石首魚至秋化為冠鳬鳬頭中猶有石也 南越志
曰化蒙縣祠山上有池池中有松鳬如今野鴨栖息松
間故俗謂之松鳬 增金樓子曰海鴨大如常鴨斑白

文亦謂之文鴨 採蘭雜志曰鳬一名少卿 鳥之乎

卵皆如期不失信也今雞鶩孚卵雞二十日而化鶩三十日而化皆如其期也 雞伏鴨卵雛成入水雞母隨

岸呼之雛出而隨母鴨雞異類能相隨也 原詩曰將

翔將翔弋鳬與雁

又鳬鶩在沙

又在涇在渚

莊子曰鳬

脰雖短續之則悲

楚辭曰寧與騏驥抗軌乎將與雞

鶩爭食乎寧昂昂若千里之駒泛泛若水中之鳬乎

李陵詩曰雙鳬俱北飛

說苑曰鶩無他心故庶人以

為鵲 焦贛易林曰鳬聲鼓翼嘉樂充德 文選曰羣
飛侶浴戲廣浮深 又曰集若霞布散如雲霧 增唐
子吾嘗會賓設樂天忽雲興繼以大雨有羣鵲成列飛
翔而過此偶爾何異蒼鶴二八也

鴨二

原左傳曰公膳日雙雞饗人竊更之以鶩子尾怒 魯
連子曰陳無宇謂門客曰昔荆來伐無一人死何國之
寡士也門客對曰君車衣文繡士不得以為緣鵠鴨有

餘食士不足半菽堂上有酒池士不得一嘗財者君所輕死者士所重若不以所輕與人而欲得人所重不亦難乎 增春秋繁露曰張湯問董仲舒曰祠宗廟或以鶩當鳧可乎對曰鶩非鳧鳧非鶩竊以為不可 原風

俗通曰王喬為鄴令每月朔望常自縣詣臺朝帝怪其來數而不見車騎密令太史伺望之言其臨至輒有雙鳧從東南飛來於是舉網張之但得一隻鳧是先所賜尚書官屬履也 增魏文帝遣使求鬪鴨孫權具以與

之 博物志曰人有得鳬鳥毛長三大以示張華華曰

此謂海鳬毛也出則天下亂 原廣州先賢傳曰頓瑋

至孝母喪感慕哀聲不絕有飛鳬白鵠棲廬側

詳鵠

又

曰卞密遭父艱有飛鳬一雙游密廬傍小池見人則馴

附如家所畜後遭母喪密歸至所居一宿故雙鳬復游

戲池中 增述異記曰周昉少時與商人共入官亭廟

宿起如廁見一白頭翁昉逐禽之化為雄鴨昉捉還船

欲烹之因而飛去後亦無他 周書曰太祖車駕幸城

南園臨水亭見雙鳬爭藻於池面引弓射之一發而雙
貫從官歡呼稱賀上命翰林寫之縑素唐書曰齊王
祐太宗第五子好養鴨未反前忽有野狸入籠中咬四
十餘鴨皆斷其頭及敗同惡而誅者四十四人嶺南
異物志曰廣州滄涯縣金池王家有養鵝鴨池嘗於鴨
糞中見麴金遂多收淘之日得一兩緣此致富貴三世
後池即無金王氏力殫矣元史曰綽哈精騎射帝嘗
與賊遇將戰有二飛鵞至帝命射之請曰射其雄乎抑

雌者乎帝曰雄者綽哈一發墜其雄

鴨三

增素纓

文翅

太玄經素纓之鴨翰音之雞白蹄之豕短喙之狗修頸之鷩君子之貌何獨異

耶鴨雄者
綠頭文翅

入夢

行庭

夢雋曰桓邈為汝南郡人齋四鳥鴨作禮大兒夢四

鳥衣人請命覺忽見鴨將殺遂救之買肉以代夢四人來謝而去 三國典畧高德衆正相齊未誅之前家有

赤鴨羣行於庭犬來逐遂成碎血

萍茵

金羹

雲林異景志浮光多美鴨太原少尹樊十

里買百隻置後池載數車浮萍入池使為鴨作茵得蜀廣安有金羹玉飯紅腊紫梨注金羹鴨也

青

頭雞

減脚鵝

魏氏春秋司馬文王鎮許昌徵還擊羗至京師見帝於平樂觀帝與小臣謀因

其辭劍誅之已書詔文王入帝方食優人雲午等唱曰
青頭雞青頭雞者鴨也帝懼不敢發司馬由是謀廢帝

清異錄御史符昭遠曰鴨頗類
乎鵞但足短耳宜謂之減脚鵞

送千頭 畜萬隻

齊春秋齊人渡江至莫府山南我軍自覆舟東移頓郊
壇北與齊人對會文帝遣送米三千石鴨千頭帝即炊
米煮鴨誓申一戰人人裹飯餽以鴨肉蓐食攻之齊軍
大潰 雲仙雜記富楊庭畜鴨萬隻每飼以米五石遺
毛覆 化小童 似老翁 洞冥記武帝升望月臺時暝
渚 望南端有三青鴨羣飛俄而

止於臺上帝悅之至夕青鴨化為三小童皆著青綺文
襦各握鯨文大錢五枚置帝几前 杜詩君不見黃鵠
高於五尺童化為 升菰 栽錦 洞冥記玄都翠水中有
為白鳬似老翁 升菰鴨赤色每止於芙蓉

渠上不食五穀惟啖葉上垂露亦曰丹毛鳬 開元遺
事王蓮湯泉湧為奉御池栽錦繡為鳬鵲浮沉水中帝

與貴妃乘鉞鏤小舟戲玩於其間

鴨四

增煩鶩

上林賦煩鶩庸渠注

類鶩

馬援與兄子書云

為謹勅之士所謂刻鵠不成尚類鶩者也

鶩沒

越地傳越人為競渡有薄俗少年各尚其勇為鶩沒

之戲有至水底然後魚躍而去

晨鳧

蘓武與李陵書乘雲附景不足以譬速晨鶩失羣不足以喻疾

玉鳧

闔閭塚中有玉鳧

鳧藻

杜詩上光武疏云陛下起兵十有三年將帥和睦士卒鳧

藻注言其和睦歡悅如鳧之戲於水藻也

鳧翁

古今合璧云春草雞翹鳧翁濯顏得水藻而喜悅注

鳧翁頸上毛也

鴨城

吳地記鴨城者吳王築城以養鴨周數十里

鬪鴨

陸龜蒙有

關鴨關一旦驛使過馬挾彈斃其尤者陸曰此鴨善人
言見欲上進奈何斃之使者盡以囊中金室其口徐問
人語之狀陸曰能自呼其名耳使者憤
且笑拂袖上馬因還其金曰吾戲耳

射鴨堂

孟郊
為溧

陽尉開
射鴨堂

鴨五

原詩梁簡文帝咏單鳬詩曰銜苔入淺水刷羽向沙洲
孤飛本欲去得影更淹留 又詠寒鳬詩曰迴水浮輕
浪沙場弄羽衣眇眇隨山沒離離傍海飛 陳江總賦
得汎汎水中鳬詩曰歸鳬沸卉同亂下芳塘中出沒時

銜藻飛鳴忽颺風浮深或不息戲廣若乘空春鸚徒有
賦還笑在金籠 增唐李嶠見詩曰颺沓睢陽溪浮游
漢水隈錢飛出井見鶴引入琴哀李陵賦詩罷王喬曳
舄來何當歸太液翔集動春雷 杜甫花鴨詩曰花鴨
無泥滓堪前每緩行羽毛知獨立黑白太分明不覺羣
心妬休牽衆眼驚拍梁霑汝在作意莫先鳴 李羣玉
野鴨詩曰鷗鷺借毛衣喧呼鷹隼稀雲披菱藻地任汝
作羣飛 陸龜蒙東飛見詩曰裁得尺錦書欲寄東飛

鳬脰短翅亦短雌雄戀菰蒲 吳融池上雙鳬詩曰碧
池悠漾小鳬雛兩兩依依祇自娛釣艇忽移還散去寒
鷗有意即相呼可憐翡翠歸雲髻莫羨鴛鴦入畫圖幸
是羽毛無取處一生安穩老菰蒲 又雙鳬狎得傍池
臺戲藻銜蒲遠又回敢為稻梁凌險去幸無鷹隼觸波
來萬絲春雨眠時亂一片濃萍浴處開不在籠欄夜仍
好月汀星沼剩徘徊 宋梅堯臣鳴雛詩曰春鴨日浮
波羽冷難伏卵嘗荷雞抱持託以雞窠煖三旬壳既圻

乳毛寒脰短有志在養毓勿論報德限 司馬光水鴨

詩曰櫛櫛出短蒲毡毳浴清水物忌太鮮明何妨染泥

滓 明高啟射鴨詞曰射鴨去清江曙射鴨返回塘晚

秋菱葉爛煙雨晴鴨羣未下媒先鳴草翳低遮竹弓殼

水冷田空鴨多瘦行舟莫來使鴨驚得食忘猜正相關

嘴啞啞毛毳毳潛機一發那得知 又鬪鴨篇曰春波

漾羣鳬戲鬪每堪玩宛轉迴翠吭櫛櫛振文翰聲兼江

雨喧影逐浦雲亂啞啞隊初交紛披勢將散持敵忽同

沉呼儔更相喚時陳水檻側或聚湖亭畔長鳴若賈勇
遠奮如追竄荷葉觸俱翻菱絲罥齊斷魚駭沒中流鷗
驚起前岸心踰籠雉驕氣壓場雞悍海客朝自驅溪娃
晚猶看稍欲礙行舟渾忘避流彈苦爭應為食幸勝非
因算微鳥昧前軀臨川獨長嘆

原賦晉蔡洪鬪鳬賦曰嘉乾黃之散授何氣化之有靈
產羽蟲之麗鳥惟鬪鳴之最精稟離牛之淑氣體鸞鳳
之妙形服文藻之華羽備豔采之翠英冠葩綠以曜首

綴素色以點纓性浮捷以輕躁聲清響而好鳴感秋霜
之肅烈從金氣以出征招爽敵於戲門文武勢於川庭
爾乃振勁羽竦六翮抗嚴趾望雄敵忽雷起而電發赴
洪波以奮擊 宋王徽野鳬賦曰翔翔雙鶩體葢羽微
和鳴愧雁麗采慚翬仰鵠推高瞻隼憚威遵時弄音假
日于飛爾乃湛淡揚瀾俯仰威疇心矜遠野意惕近洲
齊謝朓野鶩賦曰夫何羅人之伎巧薦江海之逸禽
落摩天之迅羽絕飛鶩之好音碎文錦之丹臆裂雕綺

之翠衿孤雛喧而靡翼羈雌叫而莫尋 增唐王勃江

曲孤鳬賦曰忘機絕慮懷聲弄影乘駭浪而神驚漾澄
瀾而趣靜知動息而多方屢沿洄而自省 李邕鬪鴨

賦曰參差輦輶颯沓繽紛其浮蔽水其旋如雲共洽波
而弄吭各求匹而為羣繞菰蒲而相逐隔洲渚而相聞
原啟晉劉孝儀為晉安王謝賜鵝鴨啟曰形類沈文經
符陶記晉臣羞筮吳巫未占復有背如車蓋胃垂却月
口疑犀櫓脚似魚懸出九芝之池去千金之沼

倉庚一

原詩義疏曰黃鳥鸛鷖也或謂黃栗留幽州謂之黃鶯
或謂之黃鳥一名倉庚一名商庚一名鷽黃一名楚雀
齊人謂之搏黍關西謂之黃鳥常堪熟時來在桑樹間
皆應節趨時之鳥或謂之黃袍 說文曰離黃倉庚也
鳴則蠶生 增本草釋名曰禽經云鸛鳴嚶嚶故名或
云鸛項有文故從頰頰項飾也或作鶯鳥羽有文也詩
云有鶯其羽是矣其色黃而帶鵲故有黃鸛諸名 本

草集解曰鸛處處有之大於鸛鵒雌雄雙飛體毛黃色
羽及尾有黑色相間黑眉尖嘴青脚立春後即鳴麥黃
堪熟時尤甚其音圓滑如織機聲冬月則藏蟄入田塘
中以泥自裹如卵至春始出 原詩曰春日載陽有鳴
倉庚 又曰倉庚于飛熠燿其羽 又曰黃鳥于飛集
于灌木 又曰縣蠻黃鳥止於丘隅 又曰睍睍黃鳥
載好其音 禮記曰仲春之月倉庚鳴

倉庚二

原毛詩黃鳥哀三良也交交黃鳥止于棘誰從穆公子
車奄息 增楊夔止如論曰梁武帝郗后性妒或言倉
庚為膳療如遂令如之如果減半 開元遺事曰唐明
皇於禁苑中見黃鶯呼為金衣公子 遼史曰太宗十
一年自將以援敬塘有飛鶯自墜而死卜之吉上曰此
從珂自滅之兆 鶴林玉露曰婺州治古木之上有鶯
巢一卒採取其子郡守王夢龍方據案視事鶯忽飛下
攫一卒之中以去已而知非是銜巾來還乃徑攫探巢

卒之巾而去太守推問其故為杖此卒而逐之 玉堂
閒話曰頃年有人取得黃鶯雛養於竹籠中其雌雄接
翼曉夜哀鳴於籠外絕不飲啄乃取雛置於籠外則更
來哺之人或在前畧無所畏忽一日不放出籠其雌雄
繚繞飛鳴無從而入一投水中一觸籠而死剖腹視之
其腸寸斷

倉庚三

原黃鸝 楚雀 擇木 候時 遷喬木 鳴高枝

詩出

自幽谷遷於喬木

載好其音

有鶯其羽

百轉

增雙飛

百轉闌闌

詩義

療妒

傳信

山海經倉庚為膳可
以療妒六帖處士

元藏機有二鳥大小類黃鸝每翔翥空中藏機呼
之即至或令銜珠或令投人謂之傳信鳥出滄州

調

簧

擲梭

李白詩

暖入鶯簧古漸調

變喧

解語

韋

物詩流鶯變作百鳥喧
新即詞首云睡起啼鶯語

章茂深常得其婦翁石林賀
章疑其誤詰之石林云流鶯

不解語啼鶯
解語見禽經

有鳴

于飛

睨睨

縣蠻

集灌木

鳴翠柳

唐詩兩箇黃鸝鳴翠柳

繞上林

轉柔枝

李白詩新鶯飛遶上

林苑願入簫韶雜鳳笙
鶯傍簷曉更悲孤音清吟

瑩徹詩新
轉柔枝

遶建章

度昆

明岑參詩百轉流鶯遶建章 柳宗元詩

翻日迴度昆明飛凌風邪看細柳翦 深樹鳴

隔葉音

唐詩上有黃鸝深樹鳴 杜甫詩隔葉黃鸝空好音

啾啾

恰恰

詩其

啾杜甫詩自

在嬌鶯恰恰啼 俗耳鍼砭

詩腸鼓吹

世說戴顓字仲若春日携

雙柑斗酒人問何之答曰往聽黃鸝聲此俗耳鍼砭詩腸鼓吹汝知之乎

倉庚四

增詩唐劉孝孫賦得春鶯送友人詩曰流鶯拂繡羽二

月上林期待雪消金禁銜花向玉墀翅掩飛燕舞啼惱

婕妤悲料取金閨意因君問所思 李嶠鶯詩曰芳樹

雜花紅羣鶯亂曉空聲分折楊吹嬌韻落梅風寫嘯清

絃裏遷喬暗木中友生若可冀幽谷響還通

一作曉晚
度花紅間

闕亂曉空乍離幽谷日先嘯上林風翔集春
壺側低昂錦帳中聲詩辨搏黍此興思無窮

鄭惜咏

黃鶯兒詩曰欲嘯聲猶澁將飛羽未調高風不借便何

處得遷喬 王維聽宮鶯詩曰春樹繞宮牆宮鶯嘯曙

光忽驚啼暫斷移處弄還長隱葉栖承露攀花出未央

游人未應返為此始思鄉 陶翰柳陌聽早鶯詩曰忽

來枝上嘯還似谷中聲乍使香閨靜偏傷遠客情間關

難辨處斷續若頻驚玉勒留將久青樓夢不成千門候
曉發萬井報春生徒有知音賞慙非臯鶴鳴 韋應物
聽鶯歌曰東方欲曙花冥冥啼鶯相喚亦可聽乍去乍
來時近遠纔聞南陌又東城忽似上林翻下苑綿綿蠻
蠻似有情欲轉不轉意自嬌羌兒弄笛曲未調前聲後
聲不相及秦女學箏指猶澀須臾風暖朝日曷流鶯變
作百鳥喧誰家嬾婦驚殘夢何處愁人憶故園伯勞飛
過聲局促戴勝下時桑田綠不及流鶯日日啼花間能

使萬家春意閑有時斷續聽不了飛去花枝猶裊裊還
棲碧樹瑣千門春漏方殘一聲曉 司空曙殘鶯百轉
歌曰殘鶯一何怨百轉相尋續始辨下將高稍分長復
促綿蠻巧狀語機節終如曲野客賞應遲幽僧聞詎足
禪齋深樹夏陰清零落空餘三兩聲金谷箏中傳不似
山陽笛裏寫難成憶昨亂啼無遠近晴宮曉色偏相引
送暖初隨柳色來辭芳暗逐花枝盡歌殘鶯歌殘鶯悠
然萬感生謝朓羈懷方一聽何郎閑吟本多情乃知衆

鳥非儔比暮噪晨鳴倦人耳共愛奇音那可親年年出
谷待新春此時斷絕為君惜明日鳴蟬催髮白 楊凌
春霽花萼樓南聞宮鶯詩曰祥煙瑞氣曉來輕柳變花
開共作晴黃鳥遠啼鳩鵲觀春風流出鳳凰城 武元
衡春曉聞鶯詩曰寂寂蘭堂曉夢驚綠林斜月思孤鶯
猶疑蜀魄千年恨化作禽冤萬轉聲 韓愈和武相公
聞鶯聲詩曰早晚飛來入錦城誰人教解百般鳴春風
紅樹驚眠處似如歌童作豔聲 又早春雪中聞鶯詩

曰朝駕雪裏新雪樹眼前春帶澀先迎氣侵寒已報人
共矜初聽早誰貴後聞頻暫囀那成曲孤鳴豈及辰風
霜徒自保桃李詎相親寄謝幽棲友辛勤不為身 李

益和武相公聞鶯詩曰蜀道山川心易驚綠窓魂夢曉
聞鶯分明似雪文君恨萬恨千愁絃上聲 雍裕之殘

鶯詩曰花闌鶯亦懶不語似含情何言百囀舌惟餘一
兩聲 王建和門下武相公春曉聞鶯詩曰侵黑行飛
一兩聲春寒囀小未分明若教更解諸餘語應向宮花

不惜情 楊巨源和武相公春曉聞鶯詩曰語候飛遲
天欲明殷勤似訴有餘情仁風已及芳菲節猶向花溪
鳴幾聲 皇甫鏞和武相公聞鶯詩曰華館沉沉曙境
清伯勞初轉月微明不知台坐宵吟久猶向花牕驚夢
聲 許孟容和武相公春曉聞鶯詩曰碧樹當窗啼曉
鶯間關入夢聽難成千回萬轉盡愁思疑是血魂哀困
聲 李虞聞鶯詩曰玉繩河漢曉縱橫萬籟全收鶯獨
鳴能將百轉清心骨寧止閑窓夢不成 李商隱流鶯

詩曰流鶯漂蕩復參差度陌臨流不自持巧囀豈能無
本意良辰未必有佳期風朝露夜陰晴裏萬戶千門開
閉時曾苦傷春不忍聽鳳城何處有花枝 劉得仁鶯

出谷詩曰東風潛啓物動息意皆新此鳥從幽谷依林
報早春出寒雖未久振羽漸能頻稍類冲天鶴多隨折
桂人樽前喧有語花裏晝藏身向若穠華處餘禽不見
親 羅鄴鶯詩曰暖辭雲谷背殘陽飛下東風翅漸長
却笑金籠是羈絆豈知瑤草正芬芳曉逢溪雨投紅樹

晚轉宮樓泣舊粧何處離人不堪聽灞橋斜日裊垂楊
司空圖鸚鵡詩曰不是流鶯獨占春林間翠彩四時新
應知擬上屏風畫偏坐橫枝亦向人 鄭谷黃鶯詩曰

春雲澹澹日輝輝宮樹煙深隔水飛應為能歌繫仙籍
麻姑乞與女真衣 吳融鶯詩曰日落林西鳥未知自

先飛上最高枝千啼萬語不離恨已去又來如有期慣
識江南春草處長驚薊北夢回時謝家園裏成吟久只
欠池塘一句詩 陸扆禁林聞曉鶯詩曰曙色分層漢

鶯聲繞上林，報花開。瑞錦催柳綻，黃金斷續隨風遠。間
關送月沉，語當溫樹近。飛覺禁園深，繡戶驚殘夢。瑤池
轉好音，願將棲息意，從此沃天心。錢可復鶯出谷詩
曰：玉律陽和變，時禽羽翮新。載飛初出谷，一轉已驚人。
拂柳宜煙暖，衝花覺路春。搏風翻翰疾，向日弄吭頻。求
友心何切，遷喬幸有因。華林高玉樹，棲託及芳晨。張
鷟鶯出谷詩曰：弱質隨儔匹，遷鶯正及春。乘風音響遠，
映日羽光新。已得辭幽谷，還將脫俗塵。駕鶯方可慕，燕

雀迴無鄰游止知難屈翻飛在此伸一枝如借便終冀

託深仁 劉莊物鶯出谷詩曰幸因辭舊谷從此及芳

晨欲語如求友初飛似畏人風調歸影便日暖吐聲頻

翔集知無阻聯綿貴有因喜遷喬木近寧厭對花新堪

念微禽意關關也愛春 南唐後主秋鶯詩曰殘鶯何

事不知秋橫過幽林尚獨遊老舌百般傾耳聽深黃一

點入煙流棲遲背世同悲魯瀏亮如笙碎在緜莫更流

連好歸去露華淒冷蓼花愁 李中鶯詩曰羽毛特異

諸禽出谷堪聽好音薄暮欲棲何處雨昏楊柳深深

吳越羅隱鶯聲詩曰井上梧桐暗花間霧露稀一枝晴

復暖百轉是兼非金屋夢初覺玉關人未歸不堪閑日

聽因爾又沾衣 閩徐寅宮鶯詩曰領得春光在帝家

早從深谷出煙霞閒棲仙禁日邊柳飢啄御園天上花

睨睨只疑陪閣鳳間關多是問宮娃可憐鸚鵡於言語

長閉雕籠歲月賒 宋蘇舜欽雨中聞鶯詩曰嬌駭人

家小兒女半啼半語隔花枝黃昏雨密東風急向此飄

零欲泥誰 梅堯臣黃鶯詩曰最好音聲最好聽似調

歌舌更叮嚀高枝拋過低枝立金羽修眉黑染翎 劉

敞鶯詩曰醉裏春空盡江邊客未歸可憐鳴睨睨似欲

訴芳菲珍樹移時語殘花入眼稀離居亦幽獨求友莫

相遲 又曰野花吹盡竹娟娟尚有黃鸝最可憐姪姤

不知緣底事背人飛過北山前 石曼卿鶯詩曰何處

轉新哢間關出建章至清無奈玉更巧莫如黃谷口淒

寒甚花陰淑景長上林棲處穩慎勿競雕梁 張耒四

月聞鶯詩曰好音終在恥爭先谷外寒多故後遷已過

花時亦何恨不妨夏木綠參天 范成大五月聞鶯詩

曰桑陰淨盡麥頭齊江上聞鶯每歲遲不及曉風鴨鵝

子迎春啼到送春時 又曰一聲初上最高枝忙殺嘔

啞百舌兒老盡西園千樹綠却憐槐眼正迷離 楊萬

里聞鶯詩曰過雨溪山淨新晴花柳明來穿兩好樹別

作一家聲故欲撩詩興仍添懷友情鶯飛苦難見那更

綠陰成 又曰曉寒顧影惜金衣著意聽時不肯啼飛

入柳陰多處去數聲只許落花知 又曰仰聽金衣語
偶窺鶯婦巢深穿喬木裏危挂弱枝梢咏抱雙雙子經
營寸寸茆何時雛脫殼新哢響交交 元台哈布哈賦得

上林鶯送張兵曹詩曰春陰苑樹合日出見黃鸝圓聲
度繁葉流羽拂高枝時節苦易變况經多別離君子貴
求友忽懷幽谷悲 又曰春日陽關道鶯聲滿上林來
從金谷曉飛度玉樓陰柳嫩難分色歌停稍辨音明朝
空解語人去落花深 楊維禎聽鶯曲曰紫駟踏花雲

滿足南陌東阡日馳逐不如幽谷黃衣郎好音綿蠻出
深木鄰家女兒愁別離楊花却傍珠簾飛樓前關山人
未歸奈何奈何啼黃鸝 明袁凱新鶯詩曰芳樹何年
到西園夢裏驚不須重聽汝只是舊啼聲 李東陽黃

鶯詩曰柳花如雪滿春城始聽東風第一聲夢裏江南
舊時路隔溪煙雨未分明 章懋禁中聞鶯詩曰禁苑
花深晝漏遲鶯聲遙在萬年枝不隨舞袖歌金縷却伴
仙韶奏玉墀長信夢回歌枕處瑣闥吟罷倚闌時東風

空費如簧舌不道明廷有鳳儀 石琚春暮見鶯詩曰
百花開盡見鶯流一轉能添數種愁巧舌傍人何太苦
春光隨水已難留心驚陌上誰家笛夢破城南少婦樓
柳色萬行聽不斷莫牽詩思到揚州 祝允明京館聞
鶯詩曰天風吹出掖垣聲瀏亮緱山午夜笙錯認闔門
折楊柳一時飛夢滿江城 孫艾春盡日聞鶯詩曰正
愁春去對春風忽聽鶯啼碧樹叢無數飛花向簾幕將
愁盡入一聲中 屠隆新鶯詩曰初來閣外弄春暉上

下花間試學飛小語未全調玉管薄寒深自護金衣龍
池萬柳棲應怯紫殿千門見總稀九十韶華愁易老啼
殘紅藥綠陰肥

原賦魏文帝鶯賦堂前有籠鶯晨夜哀鳴悽若有懷憐
而賦之曰怨羅人之我困痛密網而在身顧窮悲而無
告知時命之將泯升華堂而進御奉明后之威神唯今
日之僥倖得去死而就生託幽籠以棲息厲清風而哀
鳴 王粲鶯賦曰覽堂隅之籠鳥獨高懸而背時雖物

微而命輕心悽愴而愍之日奄靄以西邁忽逍遙而既
冥就角隅而斂翼眷獨宿而宛頸歷長夜以向晨聞倉
庚之羣鳴春鳩翔於南甍戴鵲集乎東榮既同時而異
憂實感類而傷情 晉王惲妻鍾夫人鶯賦曰嘉京都
之鶯鳥冠羣類之殊形擢末軀於紫闥超顯御乎天庭
惟節運之不停懼龍角之西頽慕同時之逸豫怨商風
之我催

鴛鴦一

增本草集解曰鴛鴦鳬類也南方湖溪中有之棲於土
穴中大如小鴨其質杏黃色有文采紅頭翠鬣黑翅黑
尾紅掌頭有白長毛垂之至尾交頸而卧其交不再

本草釋名曰鴛鴦終日並游有宛在水中央之意也或
曰雄鳴曰鴛雌鳴曰鴦崔豹古今注云鴛鴦雌雄不相
離人獲其一則一相思而死故謂之匹鳥涅槃經謂之
婆羅伽鄰提 原歸藏曰有鳬鴛鴦有鴈鸕鶿 毛詩
鴛鴦刺幽王也思古明王交於萬物有道自奉養有節

鴛鴦于飛畢之羅之君子萬年福祿宜之 鄭氏婚禮
謁文贊鴛鴦鳥曰雄雌相類飛止相匹 古詩曰清湍
激長流中有雙鴛鴦

鴛鴦二

原列異傳曰宋康王埋韓憑夫婦宿夕文梓生有鴛鴦
雌雄各一恒棲樹上晨夕交頸音聲感人 增朝野僉
載曰漢時鄆縣南門兩扇忽一聲稱鴛一聲稱鴦晨夕
開之聲聞京師漢帝惡之令毀其門兩扇化為鴛鴦相

隨飛去後改鄢為晏城縣 原魏志曰文帝問周宣曰
吾夢殿屋兩瓦墜地化為鴛鴦何也宣對曰後宮當有
暴死者帝曰吾詐卿耳宣曰夫夢者意耳苟以形言便
占吉凶言未卒黃門令奏後宮相殺 增元魏顯宗延
興三年因田鷹獲鴛鴦一其偶悲鳴上下不去帝惕然
問左右曰此飛鳴者為雌為雄左右對曰臣以為雌帝
曰何以知之對曰陽性剛陰性柔以剛柔推之必是雌
矣帝乃慨然歎曰雖人鳥事別至於資識性情竟何異

哉於是下詔禁斷鷺鷥不畜 唐崔珣字夢之工詩以

賦鷺鷥得名時因以為號云 揮麈錄曰毛澤民受知

於曾布布南遷澤民坐黨得罪時蔡元度鎮潤州與澤

民皆臨川王氏壻乃往依之一日家集觀池中鷺鷥元

度賦詩末句云莫學飢鷹飽便飛澤民和之云貪戀恩

波未肯飛元度夫人笑云豈非適從曾相公池中飛過

來耶澤民慚不能對 江湖紀聞曰宋時潮州有富人

江行見二子美貌曰一兄一妹雙生也早失怙恃養於

舅氏舅母不容丐以度日年十三矣因携以歸兄能捕
魚風雪不倦得魚獻主之外分爲二子啖焉妹專繡刺
鴛鴦毫毛俱備極其工巧居三年女長富人欲犯之輒
辭年幼不可彊題詩其襦間云覓得如花女朝朝依繡
牀百花渾不愛只是繡鴛鴦兄曰依人爲難不如去之
女題詩於壁曰終日繡鴛鴦嬾把蛾眉掃且歸水雲鄉
百年可偕老化雙鴛鴦而去

鴛鴦三

原于飛

相偶

鴛鴦于飛相偶飛則相雙

止則

在梁

栖樹

詩鴛鴦在

梁載其左翼下

詳鴛鴦二列異傳

雍雍

肅肅

楚辭鴛鴦兮雍雍詩肅肅其羽

飛綠岸

棲靈洲

上見簡文賦下見嵇叔夜詩

增衣邊

被底

孔白

六帖古人圖鴛鴦於繡衣上以其貞且義也又唐詩舞妓衣邊繡莫窮唐明皇五月五日避暑興慶池與妃子晝寢水殿中宮嬪輩凭欄倚檻爭看二鸕鶿戲於水中帝謂曰爾等愛水中鸕鶿何如我被底鴛鴦

紅毛

翠鬣

紫山岑

碧沙上

蘋洲花嶼

翠浪

玉沙

應笑鸚鵡

不隨鸕鶿

並詳後詩

鴛鴦四

原文彩

文選客從遠方來遺我一端綺文彩雙鴛鴦我為合歡被

匹儔

文選哀鳴無匹儔我

願執此鳥惜哉無輕舟

匹鳥

古今注鴛鴦一名匹鳥

增七十二

見下歌辭

三十六

謝氏詩源霍光園中鑿大池植五色睡蓮養鴛鴦三十六對望之爛若舒錦

紅頸

紅掌 翠翹 翠衿

鴛鴦五

原詩古歌辭曰入門時左顧但見雙鴛鴦鴛鴦七十二

羅列自成行音聲何雖雖鶴鳴東西廂 晉嵇叔夜詩

曰鴛鴦于飛肅肅其羽雖雖和鳴顧盼儔侶 又曰婉

彼鴛鴦戢翼而遊俯吮綠藻託身洪流朝翔素瀨夕棲
靈洲 增鄭曼季詩曰鴛鴦于飛在江之涘和音反暢
拊翼雙起朝游蘭池夕宿蘭沚清風翕習扇彼蘭茝凌
雲高厲載翔載止 又曰鴛鴦于飛載飛載吟有鬱浚
敷實惟桂林芳條高茂華繁重陰爰翔爰翔爰憇其南
有馥清芬協我好音 又曰鴛鴦于飛乘雲高翔有嚶
其友戢翼在梁澹澹素波容與趨唱雖曰戢止和音遠
揚 又曰鴛鴦于飛徘徊翩翩載頡載頽命侶鳴羣

唐陳子昂鴛鴦篇曰飛飛鴛鴦鳥舉翼相蔽虧俱來綠
潭裏共向白雲涯音容相眷戀羽翮兩逶迤蘋萍戲春
渚霜霰遶寒池浦沙連岸淨汀樹拂潭垂年年此游玩
歲歲來追隨鳳皇起丹穴獨向梧桐枝鴻雁來紫塞空
憶稻梁肥鳥啼倦依託鶴鳴傷別離豈若此雙禽飛翻
不異林刷尾青江浦交頸紫山岑文章負奇色和鳴多
好音聞有鴛鴦綺復有鴛鴦衾持為美人贈勗此故交
心李德裕鴛鴦篇曰君不見昔時同心人化作鴛鴦

鳥和鳴一夕不暫離交頸千年尚為少二月草菲菲山
櫻花未稀金塘風日好何處不相依既逢解佩遊女更
值凌波處妃精光搖翠蓋麗色映珠璣雙影相伴雙心
莫違淹留碧沙上蕩漾洗紅衣春光兮宛轉嬉游兮未
反宿莫近天泉池飛莫近長洲苑爾願歡愛不相忘須
去人間網羅遠南有瀟湘洲且為千里遊洞庭無苦寒
沅江多碧流昔為薄命妾無日不含愁今為水中鳥頡
頡自相求洛陽女兒在青閣二月羅衣輕更薄金泥文

彩未足珍畫作鴛鴦始堪著亦有少婦破瓜年春閨無
伴獨嬋娟夜夜學織連枝錦織作鴛鴦人共憐悠悠湘
水濱清淺漾初蘋菖花發豔無人識江柳逶迤空自春
惟憐獨鶴依琴曲更念孤鸞隱鏡塵願作鴛鴦被長覆
有情人 李商隱鴛鴦詩曰雌去雄飛萬里天雲羅滿
眼淚潛然不須長結風波願瑣向金籠始兩全 崔珣
和友人鴛鴦詩曰翠鬢紅毛舞落暉水禽情似此禽稀
暫分烟島猶回首祇過寒塘亦並飛映霧乍迷金殿瓦

逐梭齊上玉人機採蓮無限蘭橈女笑指中流羨爾歸

又曰寂寂春塘煙晚時兩心和影共依依溪頭日暖
眠沙穩渡口風寒浴浪稀翡翠莫誇饒彩飾鸛鵲須羨
好毛衣蘭深芷密無人見相逐相呼何處歸 又曰舞

鶴翔鸞俱別離可憐生死兩相隨紅絲毳落眠汀處白
雪花成蹙浪時琴上祗聞交頸語窗前空展共飛詩何
如相見長相對肯羨人間多所思 羅鄴駕鵞詩曰江
雲碧淨霽煙開錦翅雙飛去又迴一種鳥憐名字好祇

緣人恨別離來暖依牛渚汀沙媚夕宿龍池禁漏催相
對若教春女見便應携向鳳皇臺皮日休鴛鴦詩曰
雙絲絹上為新樣連理枝頭是故園翠浪萬迴同過影
玉沙千處共棲痕若非足恨佳人魄即是多情年少魂
應念孤飛爭別宿蘆花蕭颯雨昏昏又曰細鏡雕鏤
費深功舞妓衣邊繡莫窮無日不來湘渚上有時還在
鏡湖中煙濃共拂芭蕉雨浪細雙浮菡萏風應笑豪家
鸚鵡伴年年徒被鎖金籠韓偓翫水禽詩曰兩兩珍

禽渺渺溪翠杳紅掌淨無泥向陽眠處莎成毯踏水飛
時浪作梯依倚雕梁輕杜燕抑揚金距笑晨雞勸君細
認漁翁意莫遣絙羅誤穩棲 吳融鴛鴦詩曰翠翹紅

頸覆金衣灘上雙雙去又歸長短死生無兩處可憐黃

鵲愛分飛

盧弼鴛鴦詩曰雙浮雙浴傍苔磯蓼浦蘭

臯繡帳幃長羨鴛鴦能潔白不隨鸚鵡鬪毛衣霞侵綠

渚香衾暖樓倚青雲殿瓦飛應笑隨陽沙漠雁洞庭煙

暖又思歸

吉師老鴛鴦詩曰江島濛濛煙靄微綠蕪

深處刷毛衣渡頭驚起一隻去飛上文君舊錦機 宋
曹組鴛鴦詩曰蘋洲花嶼接江湖頭白成雙得自如春
晚有時描一對日長消盡繡工夫 明高啓鴛鴦詩曰
兩兩蓮池上看如在錦機應知越女如不敢近船飛
汪廣洋詩曰蘆葉青青水滿塘文鴛晴卧落花香不因
羌管驚飛起三十六宮春夢長

原賦梁簡文帝鴛鴦賦曰朝飛綠岸夕歸丹嶼顧落日
而俱吟追清風而雙舉時排荇帶乍拂菱華始臨涯而

作影遂感水而生花亦有佳麗自如神宜羞宜笑復宜
頤既是金閨新入寵復是蘭房得意人見茲禽之棲宿
想君意之相親 元帝鴛鴦賦曰青田之鶴晝夜俱飛
日南之雁從來共歸雙飛兮不息自憐兮何極一別兮
經年相去兮幾千雄飛入丹鳳雌去往朱鴛豈如鴛鴦
相逐俱棲俱宿勝林鳥之同心邁池魚之比目朝浮兮
浪華夜集兮江沙萍隨流而傳岸網因風而綴花見虹
梁之春色復相鳴而戢翼蘭渚兮相依同盛兮同衰魂

上相思之樹文生新市之機金雞玉鵲不成羣紫鶴紅
雉一生分願學鴛鴦鳥連翩恒逐君 周庾信鴛鴦賦

曰虞姬小來事魏王自有歌聲足繞梁何曾織錦未肯
挑桑終歸薄命著罷空牀見鴛鴦之相樂還歌眼而淚
落南陽漬粉不復看京兆新眉遂懶約況復雙心並翼
馴狎池籠浮波弄影刷羽乘風共飛簷瓦全開魏宮俱
棲梓樹堪是韓馮若乃韓壽欲昏溫嶠願婦玉臺不送
胡香未有必見此之雙飛覺空牀之難守 陳徐陵鴛

鴛鴦賦曰飛飛兮海濱去去兮迎春炎皇之季女織素之
佳人未若宋王之一小史含情而死憶少婦之生離恨新
婚之無子既交頸於百年亦相隨於萬里山雞映水那
自得孤鸞照鏡不成雙天下真成長合會無勝比翼兩
鴛鴦觀其哢吭浮沉輕軀澆灑拂荇戲而波散排荷翻
而水落特訝鴛鴦鳥長情真可念許處勝人多何時肯
相厭聞道鴛鴦一鳥名教人如有逐春情不見臨邛卓
家女祇為琴中作許聲

鵙鵙一

原爾雅曰鵙鵙

說文曰鵙鵙鵙也一曰鵙鵙

似鳬脚高

毛冠江東人家養之以厭火災

增本草集解曰鵙鵙水鳥也出南方

池澤似鴨綠衣人家養之馴擾不去 又曰鵙鵙大如

鳬鶩而高脚似雞長喙好啄其頂有紅毛如冠翠鬣碧

斑丹背青脰養之可玩 本草釋名曰按禽經云白鵙

相睨而孕鵙鵙晴交而孕又曰旋目其名鵙方目其名

鵙交目其名鵙觀其眸子而命名之義備矣說文謂之

交臚臚亦目瞳子也俗呼茭雞云多居茭菰中而脚高
似雞其說亦通 原異物志曰鵙鵙巢於高樹生子在
窟中未能飛皆銜母翼飛上下也 增魯恭王好鬪雞
鴨養孔雀鵙鵙奉穀一年二千石 拾遺記曰糜竺家
人收鵙鵙數千頭養於池渠中以厭火 開元中嘗遣
中官往江南採捕鵙鵙及諸水禽汴州刺史倪若水上
疏諫曰陛下當以鳳皇為凡鳥麒麟為凡獸即鵙鵙鵙
鵙曷足為也

鵙鵙二

原交睛

銜翼

相如賦交睛旋目
賦鵙鵙銜翼而低昂

淮

翠鬣紫纓

駁羽朱腋

鬣首毛也
下見虞贊賦

增老濕沙

滿白蘋

笠澤叢
書鵙鵙

老濕沙
李賀詩
御水鵙鵙滿白蘋

鵙鵙三

原厭火

鵙鵙
厭火

交目

禽經交目
其名鵙

隨風澹淡與波搖蕩

上林
賦

虞機發留鵙鵙

吳都
賦

增野塘飛

張籍詩野塘
鵙鵙飛樹頭

浮跡侶

韓愈詩浮
跡侶鵙鵙

鵲鵲四

原詩唐杜牧鵲鵲詩曰芝莖抽紺趾清唳擲金梭日翅
閒張錦風池去罨羅靜眠依翠竹暖戲折高荷山陰豈
無爾爾字換羣鵲陸龜蒙鵲鵲詩曰詞賦曾誇鵲瑤
流果為名誤別滄洲雖蒙靜置疎籠晚不似閒棲折葦
秋自昔稻梁高鳥畏至今珪組野人讐防微避繳無窮
事好與裁書謝白鷗

原賦晉虞摯鵲鵲賦曰有南州之奇鳥諒殊美而可嘉

生九臯之曠澤遊江淮之洪波既翦翼以就養還婉孌
乎邦家鵷鵠呈儀若刻若畫鸞頸龜背戴黝珥白斑毛
頰膺駁羽朱腋青不專紺纁不擅赤因宛點注希稠有
適其在水也則巧態多姿調節柔骨一低一仰乍浮乍
沒或游或舞續翻倏忽若乃陽故多陰殊方相求見水
則起覩火則憂 梁簡文帝鵷鵠賦曰飲三芝之溥露
食六草之英芳似金沙之符采同錦質之報章紅毛覆
臆翠鬣垂心浴波泳渚浮廣戲深臨高舞翮映淺弄音

逐餘暉而顧景乘清吹而微吟

增序唐陸龜蒙鵽鵽詩序曰客有過震澤得水鳥所謂
鵽鵽者貺予黑襟青脰碧爪丹喙色幾及項質甚高而
意卑戚畏人余極哀其野逸性又非能招累者而囚錄
籠檻逼視窗戶俛啄仰飲為活大不快真天地之窮鳥
也為之賦詩擬好事者和

鵽鵽一

原臨海異物志曰鵽鵽水鳥毛有五色食短狐其在溪

中無復毒氣 增本草釋名曰鷓鴣說文又作谿鴣其形大於鴛鴦而色多紫亦好並游故謂之紫鴛鴦也

本草集解曰鷓鴣形小如鴨毛有五采首有纓尾有毛如船舵形 續博物志曰鷓鴣能勅水故宿水而物莫能害 圖經曰鷓鴣於水渚宿老少若有勅令也雄者左雌者右羣伍皆有式度 原淮賦云溪鷓尋邪而逐害 增河南府尹闕前臨大溪每僚佐有入臺者則溪水中先有小灘漲出牛僧孺為縣尉一旦忽報灘出翼

日邑宰與同僚列筵於亭上觀之因名老宿備詢其事
有老吏云此必分司御史非西臺之命若是西臺灘上
當有鷓鴣一隻立前僧孺潛揣縣僚無出已者因舉杯
曰既有灘何惜一隻鷓鴣宴未終俄有鷓鴣一隻飛下
旬日拜西臺御史

鷓鴣二

增孤飛

雙舞

上見後杜甫詩
杜甫詩鷓鴣舞雙雙

又

離曉岸

滿晴

沙

上見唐彥謙詩
詩鷓鴣滿晴沙

杜甫

鷓鴣三

增亂為羣

杜甫詩至今
鷓鴣亂為羣

對沉浮

杜甫詩一雙
鷓鴣對沉浮

鷓鴣四

原詩齊謝朓詠鷓鴣詩曰蕙草含初芳瑤池暖晚色得
厠鴻鸞影晞光弄羽翼 梁簡文帝詠飛來鷓鴣詩曰

飛從何處來似出上林隈口銜長生

恐作
揪

葉翅染昆明

苔 增唐杜甫鷓鴣詩曰故使籠寬織須知動損毛青

雲莫惆悵失火任呼號六翮曾經剪孤飛卒未高且無

鷹隼意留滯莫辭勞 李德裕鷓鴣詩曰清江雙鷓鴣

前年海上雛今來戀洲嶼思若在江湖欲起搖荷蓋閑
飛濺水珠不能常泛泛惟作逐波鳧 李紳憶西湖雙

鷓鴣詩曰雙鷓鴣錦毛斑斕常比翼戲繞蓮葉迴錦臆

照灼花叢兩相得漁歌驚起飛南北繚繞追隨不迷惑

雲間上下同棲息不作驚禽遠相憶東家少婦機中語

剪斷迴文泣機杼徒嗟孔雀銜羽毛一去東南別離苦

五里徘徊竟何補 許渾鷓鴣詩曰池寒柳復凋獨宿

夜迢迢雨頂冠應冷風毛劍欲飄故巢迷碧水舊侶越
丹霄不是無歸處心高多寂寥 李羣玉鷓鴣詩曰錦

羽相呼暮沙曲波上雙聲戛哀玉霞明川靜極望中一

時飛滅青山綠 陸龜蒙玩金鷓鴣戲贈襲美詩曰曾

向溪邊泊暮雲至今猶憶浪花羣不知鏤羽凝香霧堪

與鴛鴦覺後聞 皮日休和魯望玩金鷓鴣戲贈詩曰

鏤羽雕毛迴出羣溫磨飄出麝臍薰夜來曾吐紅茵畔

猶似溪邊睡不聞 張貴玩金鷓鴣和陸魯望詩曰翠

羽紅襟鏤彩雲雙飛常笑白鷗羣誰憐化作雕金質從
倩沉檀十里聞 唐彥謙鷓鴣詩曰一宿南塘煙雨時
好風搖動綠波微驚離曉岸衝花去暖下春汀照影飛
華屋撚絃彈鼓舞綺窗含筆澹毛衣畫屏見後長迴首
爭得雕籠莫放歸 南唐李中鷓鴣詩曰流品是鴛鴦
翻飛雲水鄉風高離極浦煙冥下方塘比鷺行藏別穿
荷羽翼香雙雙浴輕浪誰見在瀟湘 宋蘇轍官舍小
池有鷓鴣遺二小雛詩曰半畝池清荇藻香一雙鷓鴣

競悠揚來從碧澗巢安在飛過重城母自將野鳥似非
官舍物宰君昔是釣漁郎直言愧比奇章老得縣無心
更激昂

原賦宋謝惠連鴈鵠賦曰覽水禽之萬類信莫麗乎鴈
鵠服昭晰之鮮姿糝黝黃之美色命儔旅以翔遊憩川
湄而偃息超神王以自得不意虞人之在側網羅幕而
雲布推羽翮以翩翩乖沉浮之諧豫宛羈畜於籠樊

御定淵鑑類函卷四百二十六